

# GO YA BOKAGODIMO GA KAMPA



A re feleng re eme nakwana.

Morategi Modimo, re thabela Wena ka monyetla wo wo mongwe go ema ka ntlong ya Modimo le go rapela Modimo yo a phelago. Re thabile kudu gore re sa filwe monyetla wo ka nageng. Gomme bjale re leboga kudu bakeng sa batho ba ba go boteaga, gape, Morena, bao ba tšwago dimaele tše ntši, makgolo a dimaele, bontši bja bona. Gomme ba bangwe ba bona ba tla leka go—go wela tsela ya bona go ya morago, bošegong bjo, go theoga ditsela tša lephefo, go kgabaganya ditsela tša lephefo. Modimo, ke a rapela gore O tla ba le bona le go ba thuša. Ba hlahle, O Tate. Re leboga Wena ka phororo ye nnyane ya pula yeo e re tšidifaleditšego moya, lebakana.

<sup>2</sup> Gomme, Tate, re a rapela gore O tla kopana le rena bošegong bjo ka go Lentšu la Gago. Ka gore, ke ka baka leo re kgobokanego, Morena, ke go kopana le Wena ka Lentšung. Re thuše, Morena, gore kopano ya rena e tla ba ya mohola go Mmušo wa Gago, le gore re tla thušega kudu, le gore re tla thuša ba bangwe. Efa dilo tše re a kgopela, go la Jesu Leina. Amene.

Le ka dula.

<sup>3</sup> Ke sa tšwa go ba le dipoledišanotsenello ka kua. Gomme feela pele kopano e be e ka thoma, Billy o mphile wo—wo mogolo morwalo wa tšona go fihla ke—ke sa tsebe gore ke thome ka tsela efe. Eupša re a rapela gore—gore Modimo o tla le šegofaletša matsapa a lena a go šala kuano bakeng sa tirelo ya mantšibua.

<sup>4</sup> Bjale, Modimo ge a rata, Lamorena le le latelago mosong ke tla be ke na le—le tirelo gape. Ke sa tšwa go bolela le modiša, gomme ka moka go lokile ka bona.

<sup>5</sup> Gomme bjale ke duma ge nkabe ke na le nako go lemoga mogwera yo mongwe le yo mongwe yo mokaone yoo ke nago le yena mo, eupša ke a tseba le letetše. Go a fiša. Gomme ke—ke tla no tlogela nako yeo, gomme—gomme ke no bolela se, “Modimo a le šegofatšeng.”

<sup>6</sup> Le a tseba, ga ke tsebe selo se sengwe se se itšego se segologolo seo yo mongwe a ka kgonago go nkgopella sona, go feta gore, “Modimo a go šegofatše.” Le a bona? Ge A ka dira seo, seo ke ka moka ke se nyakago, feela—feela seo. Ke nagana gore ke lentšu le legologologolo ka go—ka go semmotwana, “Modimo a go šegofatše.” Gomme, bjale, gomme ke a tseba O a dira.

<sup>7</sup> Gomme bjalo ka ge ke boletše go mosadi dinakwana di se kae. Ke be ke—ke be ke leka go hlapa, gomme ga se nke ke kgona go oma. Ke ile—ke ile ka phumula, gomme ka gona ke be ke kolobile gape. Ka phumula, gomme ka se kgone go apara hempa

ya ka, le gona. Gomme go fapane gannyane ntle ka Tucson. E ka ba gabedi go fiša mo, eupša gona ga o—ga o swanelwe ke go fufulelwa mo go itšego. Fao ga go—ga go monola ka moyeng, ka fao o oma ka pela ge o tšwela ntle. O bea pane ya meetse fao, gomme a ile. Ga o kgone go fufulelwa, ka baka la gore e no o tšea go tloga go wena pele o ka kgona—o—o kgona go fufulelwa. O a fufulelwa, ka moka gabotse, eupša ga o o bone. Ka fao, mo, ke be ke leka go ba le nako ya go befa go dira go oma. Ka fao, gomme ke—ke a koloba thwi bjale.

<sup>8</sup> Ke be ke le morago ka kamoreng kua, gomme re bile le šupa goba seswai sa batho ka gare, bao e bego e le ditšhoganetšo, gomme ba bego ba swanetše go bonwa thwi nako yeo.

<sup>9</sup> Bjale, lebaka leo ke rego le šale, le go le kgopela go—go tla, ke ka baka la gore ke—ke nagana gore go—go mohola go rena. Ke—ke be nka se dire seo, bagwera. Ke—ke nagana kudu ka lena, go dira seo, go no tla go—go kwa yo mongwe, goba go theetša se ke swanetšego go se bolela, goba selo se sengwe. Ke—ke be nka se dire seo. Seo se be se ka se be gabotse. Se be se ka se laetše lerato la ka go lena, go no tla ka mokgwa woo. Gomme ga ke dumele gore le tla . . . Le ge, ke tseba gore le a nthata, bjalo ka ge ke le rata. Gomme—gomme ka fao ke—ke—ke tseba seo, goba le be le ka se dire dilo tše le di dirago. Ka fao ke nagana go lekanela ka lena, gore nka se be le lena la dula ka phišong le dilo, ka mokgwa wo, ge nkabe ke se ka nagana gore e be e le selo se sengwe go le thuša.

<sup>10</sup> Ka gona, pele ke etla mo, ka mehla ke leka bokaonekaonekaone bja ka, pela ga Modimo, go topa selo se sengwe se sennyane, Lengwalo la tsela ye e itšego, le go kgopela tlhahlo ya Gagwe, selo sa mafelelo pele ke tloga. “Thuša, Morena Modimo, ka mokgwa wo mongwe, efa—efa ka moka O kgonago go bona batho ba go ratega.”

Gomme ke a letela, le go dumela, gore ka mehla ke tla phela le lena. Ke a dumela gore se ke sekgala sa seripanariparipana se re nago naso, ge re ema mmogo ka mokgwa wo. Re tla ba mmogo ka go Bokagosafelego. Le a bona? Ke dira seo. Ke—ke—ke dumela seo.

Gomme ke nyaka go le thuša. Gomme ke, ge ke bolela eng kapa eng ka go fošagala, Tate wa Legodimong o a tseba gore ga se ka baka la gore ke ikemišeditše go se dira; ke ka baka la gore ke se dira ke sa tsebe; ke se dira ka go hloka tsebo ka sona.

<sup>11</sup> Ka fao, ka go tseba gore le boikarabelo bja ka, le go ba ka diatleng tša ka, bakeng sa Ebangedi, ka mehla ke tla rata go le boloka thwi ka matlakaleng a Beibele ye. Gomme—gomme ke . . .

Dinako tše ntši batho ba tlile go nna, gomme ba re, “Ngwanešu Branham, ge o ka no sepelela ntle mo gomme wa re ‘GO RIALO MORENA’ go ngwana wa ka yo monnyane yo a babjago, le tla loka. Eya ka ntle kua gomme o no bolela, ‘Le tla loka.’ Seo ke ka moka ke nyakago o se dira.”

<sup>12</sup> Bjale, seo ke go botega le go ratega. Ke leboga seo bjang! Eupša, le a tseba, nka se kgone go dira seo go fihla A mpotša, pele. Le a bona? Nka kgona go rapelela ngwana, ka dira ka moka ke go kgonago.

Eupša, le a bona, go ka reng ge ke ile ntle kua ka tlase ga mahlahla gomme ka bolela seo? Le a bona, ge ke rile, “GO RIALO MORENA,” ka nnete e tla no ba go rialo mahlahla a ka. Le a bona? Le a bona? Gomme ka gona go ka direga, goba gwa se direge. Eupša, ka gona, go ka reng ge motho yo a swanago a ka ba ka tlase ga mahlahla a ka, gomme ya se direge? Gona, motho yoo a ka no ba ka go—go bothata nako ye nngwe gare ga bophelo le lehu, gona tshepho ya bona e tla ba kae? Ba tla boifa gore nka no ba ka tlase ga mahlahla gape. Le a bona?

Ka fao, ge ke e bolela, ke nyaka go ba le nnete ya go se šuthe gore e nepagetše, le ka moka tše ke di tsebago. Gomme ka gona ge A bolela go nna, ke tla no kgona go bolela se A ntaeditšego sona. Ge eba ke se sebotse goba se sebe, ke swanetše go se bolela. Gomme dinako tše dingwe ga go—ga go monate go botša batho dilo tšeo. Eupša, go le bjalo, ke nno tlengwa ke modiro go botša batho tše—tše mpe dilo tše di tlogo go ba wela, bjalo ka ge ke tlengwa ke modiro go ba botša dilo tše botse tše di tla ba welago.

<sup>13</sup> Gomme, ka morago ga ka moka, re nyaka thato ya Morena. Nako ye nngwe thato ya Morena e kgahlanong le ditumo tša rena. Eupša, go le bjalo, ge re nyaka thato ya Morena, e no ba mo go bohlokwa go tseba gore bobo bo tla re wela, ge e le thato ya Morena. Ge eba ke ye botse goba ye mpe, ke thato ya Morena ye re nyakago e dirwa. Gomme ke a tseba re e lebelela ka mokgwa woo.

<sup>14</sup> Bjale, ke—ke a tseba baena mo ka mehla ba na le metsotso ye masometharo, molaetša wa masomepedi go ya go masometharo a metsotso ka Lamorena bošego. Gomme ga—ga ke tsebe ge eba ke tla kgona go dira seo goba aowa, ka fao ke—ke no ya go dira bokaonekaonekaone bjo ke bo kgonago.

<sup>15</sup> Bjale, ke nagana gore fao go na le tirelo ya kolobetšo ka pela ka morago ga ye. Ke kwele gore ba kolobeditše sehlopha se segolo sa batho mosong wo. Kgafetšakgafetša, go na le kolobetšo ye e diregago mo, nako ka moka. Badiredi, Mamethodist, Mabaptist, Mopresbyterian, kereke ya Modimo, Moluther, eng kapa eng e lego yona, ba a tla gomme ba a kolobetšwa Leineng la “Morena Jesu Kriste.”

Gomme pele ga Modimo, ge ke swanetše go ema Pankeng ya Kahlolo, ke swanetše go arabela seo. Gomme ge ke be ke se na le molato ka mogopolong wa ka, wa go lokafatšwa ka go se sengwe le se sengwe ka bophelong bja ka bjalo ka ge ke le wa seo, ke tla be ke loketše Tlhatlogo thwi bjale, ka gore ke a tseba gore yeo ke Therešo ya Ebangedi. Le a bona? Yeo ke Therešo.

<sup>16</sup> Fao ga go Lengwalo le letee ka Beibeleng mo yo mongwe e kilego a kolobetšwa ka tsela ye nngwe eupša Leineng la Jesu Kriste. Thomo ya “Tate, Morwa, le Moya wo Mokgethwa,” ke feela. . . . “Eyang ka gona, le rute ditšhaba ka moka, ka go ba kolobetša Leineng la Tate, Morwa, Moya wo Mokgethwa.” E sego ka go. . . e sego go bitša dithaetlele tše godimo ga bona; eupša ba kolobetseng *Leineng* la Tate, Morwa, Moya wo Mokgethwa, e lego “Morena Jesu Kriste.”

<sup>17</sup> Yo mongwe le yo mongwe ka Beibeleng o kolobeditšwe Leineng la Jesu Kriste. Gomme Beibele e boletše, gore, “Mang kapa mang a ka ntšhago Lentšu le tee go tšwa go Yona, goba a oketša lentšu le tee go Yona, ka tsela efe kapa efe, madimabe go bona.” Ka fao ke na le mo go lekanetšego ke swanetšego go boifa ka gona, ntle le go oketša selo se sengwe goba go Le ntšha go tšwa Lengwalong.

Go ntsentše bothateng dinako tše ntši, eupša ke dula thwi fao. Ke Yena tšhireletšo ya ka. Le ntirile gore ke arogane le bagwera ba bantši. Ba arogane le nna ka baka la leo. Eupša ge feela ke bolokile Mogwera yo mo, Morena Jesu! Gomme Yena ke Lentšu. Ga go tshwenye, gore tsela e makgwakgwa, tsela e thata, O tla ka tsela ye e swanago. “Gomme ge ba bitša Morena wa ntlo ‘Beletsebubu,’ ke ga kae go fetiša ba tlogo go bitša bao ba barutiwa ba Gagwe?”

<sup>18</sup> Bjale Morena a be le lena ka moka gomme a le šegofatše go kgabola beke, le go le fa bokaonekaonekaone bjo nka rapelago Modimo go le fa, ke thapelo ya ka.

Bjale re ya go bala go tšwa go Lentšu le bohlokwa.

<sup>19</sup> Gomme—gomme bjale elelwang, gape, Laboraro bošego. . . . A fao go na le tirelo ya thapelo ye e itšego ya gare-ga beke goba selo se sengwe? [Ngwanešu Neville o re, “Labobedi, kopano ya thapelo ya khothase, Mošupologo le Labobedi bošego.”—Mor.] Mošupologo le Labobedi bošego ke dikopano tša thapelo tša khothase. Ke a thanka batho ba a tseba.

<sup>20</sup> Ngwanešu Junior Jackson, a o gona ka moagong? Ke. . . . Ngwanešu Jackson, ga ke. . . . [Ngwanešu Neville o re, “Eye, thwi godimo mo.”—Mor.] O gona mo, Ngwanešu Jackson. Ka moka gabotse. Ke—ke. . . . Ngwanešu Jackson yo mongwe mo, ke. . . .

Gomme Ngwanešu Don Ruddell, a o ka moagong bošegong bjo? Ngwanešu Don, godimo mo.

Gomme ba bantši ba baena ba bangwe, ke bona baena mo go tšwa Arkansas, le Louisiana, le—le mafelo a go fapana go dikologa naga.

<sup>21</sup> Gomme ke na le ba bangwe, moena yo mogolwane mo bošegong bjo, le yena. Ke na le Ngwanešu Thomas Kidd o dutše godimo mo go la go ja, o tla ba masomeseswai-nne a mengwaga ka bokgale ka matšatšing a se makae. Gomme e ka ba ye meraro

goba ye mene mengwaga ya go feta, o ophareitilwe bothata bja poroseteiti, gomme o be a ehwa ka kankere. Ngaka o be a nno mo robadiša morago go hwa. Gomme ke ile ka nyaka go senya koloi ya ka ya kgale, ke eya go yena, godimo ka Ohio. Gomme Morena Jesu o mo fodišitše go kwala le gabotse. Gomme mo, yena le mokgotse wa gagwe yo monnyane, bošegong bjo. Gomme ba bantši ba lena le a ba tseba; mohlomongwe ba bangwe ga ba dire. Eupša šo monna le mosadi ba ba bego ba rera Ebangedi pele ke tswalwa. Naganang ka seo, gomme ke nna mokgalabje. Le a bona? Bjale, gomme ke a ba lebelela, gomme bona ba sa ya, gona ke tšea tlhohleletšo.

Ka moka ga rena re tseba Ngwanešu Bill Dauch yo a dutšego sekhutlong mo.

<sup>22</sup> Gomme, oo, re leboga bjang ka moka ditšhegofatšo tše kgolo tša Modimo! A nke e tšwele pele go ba le rena go fihla ge phalafala yela ya mafelo e lla gomme, le a tseba, “Re tla tšeelwa godimo mmogo, go gahlanetša Morena moyeng.” Naganang ka yona! Batho ba ba timetšego, ba ka se kgone go le bona gape, eupša le tla mmogo le bohle ba sehlopha.

“Bao ba phelago gomme ba šala go ya go Tleng ga Morena ba ka se ke ba thibela, goba go ba šitiša,” lentšu leo ke, “bao ba robetšego,” e sego go hwa. Aowa, Bakriste ga ba hwe. Ba no tšea go khutša mo gonnyane, le a bona. Seo ke ka moka. Oo, nna! “Gomme phalafala ya Modimo e tla galagala; gomme bahu ba ka go Kriste ba tla tsoga pele,” ba tšwelela go ba bantši. Gomme ka moka gatee, o dira go ema le go lebelela, gomme, go lokile, ngwanešu šole, gomme le a tseba go ka se be botelele. Ka metsotsong e se mekae, “Re tla fetolwa, ka nakwana, ka go ponya ga leihlo. Gomme mmogo le bona, ba ba timeletšego lefaseng, re tla tšeelwa godimo go kopanetša Morena ka moyeng.”

<sup>23</sup> Gomme, go nagana, le ka moka seo re se bonego ka Mangwalong, le mabohlatse a go-otlologa a iri ye re phelago ka go yona, e ka kgona ga direga pele tirelo e fela, e no nagana ka seo, bošegong bjo.

Ka gona, ka seo, re batamela Lentšu la Gagwe, ge re bula go Baheberu ya 13 tema, gomme re ya go bala go tloga go ya 10 go ya go 14 temana. Ya Baheberu 10 le . . . goba, goba ntshwareleng. Baheberu 13:10 go ya go 14.

<sup>24</sup> Bjale, bjalo ka ge ke boletše, re, ge re ena go botega go folaga ya rena, e lego se sekaone, ke . . . Ka moka re a ema ge re ena go botega. Le ka moka ditiragalo tše kgolo, re—re a ema ka go hlompha go, goba go dumediša, le go ya pele, go setšhaba sa rena. Gomme ge ba bapala *The Star-Spangled Banner*, re ema athenšene.

<sup>25</sup> Gomme bjalo ka mašole a Bokriste, a re emeng athenšene ge re bala Lentšu la Modimo. Theetšang sekgauswi go go balwa ga Lentšu. Lebaka le ke ratago go Le bala; mantšu a ka

a ka feila, eupša a Gagwe a ka se ke. Ka fao ge ke bala Lentšu la Gagwe, le nnoši, le tla šegofala. Ya 10 temana ya ya 13 tema ya Baheberu.

*Re na le aletara, yeo ba se nago tokelo ya go ja tše di direlago tabarenekele.*

*Ka gore mebele ya diphoofolo tšeo, tšeo madi a tšona a bego a tlišwa ka sekgethweng ke moprista yo mogolo bakeng sa sebe, e be e tšhungwa ka ntle ga kampa.*

*Ka fao Jesu le yena, gore a hlwekiše batho ka madi a gagwe mong, o tlaišegile ka ntle ga kgoro.*

*A re yeng pele ka fao go yena ka ntle ga kampa, re rwale kgobogo ya gagwe.*

*Ka gore mo ga re na le toropokgolo ye e yago pele, eupša re nyaka ye e tlogo.*

<sup>26</sup> Morena Modimo, Yo a ikarabelago ka Lentšu le, le go ikarabela ka go Le hlokomela go kgabola mabaka, go bona gore Le tla go rena le se la otswafatšwa. Le hlwekile, Lentšu kgarebe la Modimo. Re Le hlokomela kudu ka dipelong tša rena lebakeng le. Ngwathaganya hlogotaba ye, Morena, ka go senepša go rena, bošegong bjo; gore rena, bana ba motho, re kgone go kwešiša polelo ya Modimo. Ka gore re se kgopela go la Jesu Leina. Amene.

<sup>27</sup> Thuto ya ka ya—ya mantšibua a ke: *Go Ya Bokagodimo Ga Kampa*. Ke thuto ye nnyane kudu, ya go se tlwaelege gannyane, eupša, le a tseba, ka mehla re hwetša Modimo ka go dilo tša go se tlwaelege. Lefase le dutše kudu ka go selo sa tlwaelo, go fihla, se sengwe le se sengwe e sego sa tlwaelo go tšwa go tshepedišo ya mehleng, e ba sa go se tlwaelege.

Bjalo ka ge ke rerile mo matšatši a sego makae a go feta, mo ka tabarenekeleng, ka: *Polo ya go se tlwaelege*. Gomme molemi ke polo ya go se tlwaelege go rakgwebo; rakgwebo ke polo ya go se tlwaelege go molemi. Mokriste ke polo ya go se tlwaelege go modu- . . . mosedumele, le go ya pele. O swanetše go ba setlaela sa yo mongwe. Ka fao, eng kapa eng e sego ya mehleng, e go dira mohuta wa setlaela, go—go tshepedišo ya tlwaelo.

<sup>28</sup> Gomme ka fao, batho ba Modimo, le baporofeta ba Gagwe, le ba Gagwe—ba Gagwe batseta go kgabola mabaka, ba ba bego ba rwala Molaetša wa Gagwe go tšwa go Lentšu, ba be ba tšewa go ba ditlaela, go ba ka ntle.

<sup>29</sup> Noage e be e le setlaela, go lefase la gagwe le legolo la bohlale le a bego a le rerela. Noage. . . O be ka nnete e le setlaela, go Farao; ka leoto la gagwe godimo ga terone gomme ka gona a e tlogela, bakeng sa sehlopha sa maduba leraga, bjalo ka ge ba be ba gopola. Gomme Jesu o be a le setlaela, go batho. Gomme le ka moka bohle ba bona ba ba bego ba šomela le go phelela Modimo, ba be ba tšewa go ba ditlaela. Ba ile ba swanelwa ke go ya bokagodimo ga kampa ye ba bego ba na le yona.

<sup>30</sup> Gape le gape, ke dirwa go dumela gore batho ga ba tle go Kriste.

Bjale, ke mo go leka go thuša ka tsela ye nngwe le ye nngwe nka e kgonago, le go dira setatamente sa ka go kwagala ka mo ke tsebago go di dira. Gomme tlaišegang le nna ge le rata.

<sup>31</sup> Ge ke lebelela le go rera go kgabaganya setšhaba, le go hlokomela batho, ke—ke kgodišegile ka botlalo gore batho ga ba tle go Kriste. Gomme ke a dumela gore ke lenaba le le lahetšego sešitiši se. Ka baka la gore, lebaka le ke dumelago se, Yena ga se selo se ba se šupeditšwego. E ka ba ba šupeditšwe go—go—go thutotaelo, goba thuto, goba phathi, goba boitemogelo, goba maikutlo, goba selo se sengwe sa go swana le seo, go na le gore ba šupetšwe go Kriste, Lentšu.

Ke ka baka leo ke naganago gore batho ba khutšišitše lefelo la bona la ka Gosafelego godimo ga thutotayo ye e itšego, goba maikutlo a a itšego. Go swana le ge, ba bangwe ba re, “Ke binne ka Moya. Ke—ke boletše ka maleme. Ke—ke—ke kwele mollo o kitima godimo ga ka.” Gomme a le a tseba, ka moka dilo tšeo di ka kgona go ekišwa ke diabololo?

<sup>32</sup> Fao go na le selo se setee feela se a ka se kgonego go se ekiša, seo ke Lentšu. Ka ngangišanong, gare ga gagwe le Jesu, nako ye nngwe le ye nngwe Jesu o mo fentše. “Go ngwadilwe,” Lentšu!

Gomme ke a dumela, lehono, gore lebaka le batho ba sa tlego go Kriste, ke ka baka la gore ba šupetšwa, ba bantši ba bona, go—go—go kereke ya leina. “Wena tla o tšoenne kereke ya rena.” Goba, “Wena bala katikasema ya rena,” goba, “Dumela thuto ya rena,” goba—goba tshepedišo ya mohuta wo mongwe. Ba šupetšwa ka tseleng ya go fošagala. Gomme tiro ya bona le bophelo bjo ba bo phelago ka ntle le Kriste, di netefatša bophelo bja bona beng, bo hlatselwa ke sona selo seo.

<sup>33</sup> Mohlala, ga ke nyake go gobatša maikutlo a yo a itšego. Eupša, morago le pele, go kgabaganya setšhaba, ke sotše basadi ba go apara moriri wo mokopana. Yeo ke Beibele. Ke sotše basadi ba go apara dišothi, ba go šomiša dibotsefatši. Gomme ngwaga wo mongwe le wo mongwe e befabefi. Go laetša gore fao go na le monwana wo mongwe, felotsoko, o ba šupetšago tsela ye nngwe. Gomme ga ba ye go kgabola go ya go Kriste.

<sup>34</sup> Gomme ba re, “Ke rena ba kereke. Kereke ya rena ga e . . .” Ga e dire phapano ye e itšego se kereke ya gago e se dumelago.

Modimo o rile, “Ke phošo.” Gomme ge ba tlile go kgabola go tla go Kriste, ba tla emiša seo. Gomme, e sego seo feela, eupša monna o tla tšea leemo la gagwe ge a tlile go kgabola go ya go Kriste, gomme a ba kgahlanong le seo. Banna ba ka se dumelele basadi ba bona go dira ka mokrwa woo. Monna wa mmpaale ga a nyake mosadi wa gagwe a dira ka tsela yeo.

<sup>35</sup> Moisa yo moswa mo ka toropongkgolo, letšatši le lengwe, o nyakile go bolaya bašemane ba babedi ba baswa. Ba be ba



le lefelong le le itšego la petrole. Lena batho ba Jeffersonville le e bone ka pampiring. Gomme mosetsana yo monnyane yo o kitimetše ka lefelong la petrole, a se a apara selo, le ge e ka ba eng, le gatee, gomme banna ba babedi ba baswa ba ba bego ba dutše fao ba dira tshwayo. Gomme motšhela petrole o ile a nyaka go bolaya bašemane ba babedi; gomme a swarelwa seo, le go bewa kgorongtshenko. Gomme moahlodi a mmothšiša, “Ka baka la eng o . . . a apara ka tsela ye?”

A re, “Ke nagana gore o lebelelega bobotse kudu.”

<sup>36</sup> Bjale, fao go selo se sengwe se fošagetše ka monna yoo. Ga ke kgathale ge eba o . . . Ge e le modiradibe, fao go selo sa go fošagala ka yena. Lerato la gagwe go mosadi yoo le ka se kgone go ba la mmapaale, gomme a mmea ntle go ba segoka dimpša ka mokgwa woo. Fao go na le selo se sengwe se fošagetše. A monna o kile a tla temogong gore ba ka kgona go ahlola gare ga se se lokilego le sa go fošagala?

<sup>37</sup> A le bone disutu tše mpsha tše ba di ntšhitšego? A le tseba polellopele ya ka gore basadi mafelelong ba tla tla go matlakala a mogo, masometharo-tharo a mengwaga a go feta? Gomme bjale ba na le bona ba ba aparago matlakala a mogo, dikhethe tša go bonatša ka gare. Lentšu la Morena ga le ke le feila. Le a bona? Gomme seo se be se eya go direga feela pele ga nako ya bofelo, go tla go letlakala la mogo gape. Ke be ke bala ka go kgathišobaka ya *Life*. Seo se boletšwe mengwaga ye masometharo-tharo ya go feta, pele basadi ba tšea go wa ga bona. Go ile gwa bolelwa ka fao ba bego ba tla e dira ka letšatšing le, gomme šeba. Ka fao ba tla aparago diaparao tša go swana le tša monna, le ka fao ba tla . . . Go hloka maitshwaro ga mosadi go tla wa ka setšhabeng se.

<sup>38</sup> Sa fasefasefase go ditšhaba ka moka tše di lego gona lefaseng, ke Amerika ye. Ke wa bohlaswahlswahlswa wa sehlopha. Seo ke go ya ka dipalopalo. Mabelo a lenyalo le tlhalo a godimodimo ka setšhabeng se go feta lefelo lefe le lefe ka lefaseng, gomme ditšhaba tše dingwe di a ekiša. Re be re ekiša go tšwa France, bohlaswa le tšhila ya setšhaba seo, gomme bjale ba hwetša go apara ga bona go tšwa go rena. Re gatetše ka bokagodimo ga mellwane ya bona.

<sup>39</sup> Ke tseba fao go na le lebaka le le itšego gore batho ga ba tle go kgabola go ya go Kriste. Ge ba ka dira, ba ka se dire ka mokgwa woo.

Jesu o tlaišegile ka ntle ga dikgoro, gore A hlwekiše batho ba Gagwe ka Madi a Gagwe Mong. *Tlhwekišo*, e tšwa go lentšu la Segerika, polelo gabedi, le ra, “go hlwekišwa, le go beelwa thoko bakeng sa tirelo.” Gomme ge Modimo a hlwekiša batho ba Gagwe ka Madi a Jesu, O ba hlwekiša go tšwa go bohlaswa bja lefase gomme a ba beela thoko bakeng sa tirelo.



*Ka fao Jesu le yena, gore a hlwekiše batho ka madi a gagwe mong, o tlaışegile ka ntle ga kgoro.*

40 Le go batho ba Full Gospel, ba tile thwi morago ka go mmila wo ba tšwelego ka go wona. Kereke ya Pentecost e be e le eng, mengwaga ye masomenne goba masometlhano ya go feta? Ba rogakile, le go sola, le go nyefola dikereke tše ba tšwelego ka go tšona, tšona dikereke tša maina. Ba dirile eng? “Go no swana le mpša go mahlatša a yona, le kolobe go leraga la yona.” Ba boetše morago ka go wona mafelo ao a swanago ao ba matlotšwego go wona, gomme bjale dikereke tša bona di ba bohlaswa bjalo ka tšohle tša tšona.

41 E be e le selo se sengwe, bjalo ka ge ke boletše mosong wo. Go swana le, batho ba swana le ka mo Petro a boletšego, ka go Mokgethwa—Mokgethwa Mateo 17:4 go ya go 8, moo a rilego, “Ke mo go botse go ba mo. A re ageng ditabarenekele tše tharo.”

42 Eupša Moya wa ba iletša go e dira. Wa re, “Yo ke Morwa moratwa wa Ka; kwang Yena,” gomme Yena ke Lentšu. Yoo ke Yo re mo lebeletšego, Lentšu, e sego mahlahla a rena goba selo se sengwe gape. “Yena ke Lentšu la Ka; kwang Yena!” Gomme ba bone eng ka morago ga ge Lentšu le le boletše go bona? Le Moshe le Eliya ba be ba se gona; le ge e le thutotumelo e be e se gona; le ge e le eng kapa eng e be e se ya tlogelwa eupša Jesu feela, gomme Yena ke Lentšu. Seo ke ka moka ba se bonego.

Bjale, “Go ya ka ntle ga kampa.”

43 Re hwetša gore kampeng ya bona fao tiragalo ye kgolo ye e diregilego, bogodimo godimo ga Thaba ya Phetogelo, bjalo ka ge Petro moragorago a e biditye, “thaba ye kgethwa,” mo A kopanego le bona. Bjale, ga ke dumele gore moapostola o be a e ra gore thaba e be e le ye kgethwa; o be a e ra gore e be e le Modimo yo mokgethwa godimo ga thaba.

Ga se kereke ye kgethwa; ga se batho ba bakgethwa. Ke Moya wo Mokgethwa ka gare ga batho. Moya wo Mokgethwa ke wo mokgethwa. Yena ke Molaodi wa gago le Moetapele wa gago.

44 Gomme re a hwetša, godimo ga kampa ye nnyane ye bogodimo godimo ga thaba, Phetogelo, ge ba be ba rongwa go kwa, selo se nnoši se ba bego ba romilwe go se dira e be e le go kwa Lentšu. Selo se nnoši ba se bonego, e be e se thutotumelo. Ga se ba ke ba bona selo gape eupša Jesu, gomme Yena ke Lentšu le dirilwe nama.

Seo ke se sebotse bjang, go ya go kampa ye e swanago ye e bego e le ka tšhemong ya Edene. Ge Modimo a hlamiša Kereke ya Gagwe ka tšhemong ya Edene, batho ba Gagwe, ba bile le leboto le tee go dula ka morago ga lona; leo e be e le Lentšu. Ba bile le kotse ye tee, sebetša se setee, selo se setee, ka baka la gore Modimo o be a tseba se se tla fenyago diabololo, gomme seo ke Lentšu.

45 Jesu o dirile selo se se swanago. “Ke Lentšu; go ngwadilwe.” Gomme Sathane o lekile go—go Le apeša, e sego go Le tsopola; go Mo apešetša Lona. Gomme Jesu a re, “Gomme gape go ngwadilwe.” Bjale, re swanetše go dula le Lentšu leo!

46 Gomme ka kampeng ye nnyane ye ba bego ba na le yona kua, ya Petro, Jakobo, le Johane; le Jesu, Moshe, le Eliase. Gomme ka kampeng ya bona ba bone lešaba la Legodimo la morithi, goba Pilara ya Seetša e lekeletše ka lerung le la go fetola Morena Jesu. Gomme ge ba be ba loketše go dira kereke ya leina, ye tee ya molao, le ye tee ya baporofeta, le go ya pele, Lentšu la re, “Yo ke Morwa moratwa wa Ka; kwang Yena.” Ka gona, go se ba bego ba se romilwe, e ba e no ba tlwa go swana le ka fao go bego go le ka Edene, “Dulang le Lentšu!” Yeo ke kampa ya Modimo ya batho ba Gagwe.

47 Go a bonagala, lehono, go ba letšatši ge batho ba eya bokagodimo ga kampa. Ka go se sengwe le se sengwe, ba ya bokagodimo.

48 Le a tseba, ke boditšwe, nako ya go feta, gore ba bile le sefofane sa tšete bjale se se ka kgonago. . . se dira wona mašata a re a kwago go dikologa mo, a a šišinyago mafasetere. Ge sefofane se e ba lebelong kudu go fihla se kgabaganya modumo wa sona mong, o bitšwago sethibela modumo. Gomme ge se eya bokagodimo ga sethibela modumo wa sona mong, gabotse ga se na le magomo go se se ka se dirago.

Gomme ke a nagana, ka fao, gore re hwetša thuto. Ge re eya bokagodimo ga sethibela modumo sa rena beng, ka go Lentšu la Modimo, gona ga go magomo go se Modimo a ka kgonago go se dira ka monna yo a loketšego go ya bokagodimo ga kampa, kampa ya motho, ke yona. Bjale, re bona seo, go ya bokagodimo ga kampa, go ya bokagodimo ga se.

49 Ke bona Sathane, le yena, o tšeela batho ba gagwe bokagodimo ga kampa ya go fa lebaka, bokagodimo ga—ga—ga—ga kampa ya—ya kgopolo ya go tlwaelega. Sathane o tšeela batho ba gagwe tseleng ye nngwe, bokagodimo ga kampa; Modimo o tšeela batho ba Gagwe bokagodimo, ka tsela ye nngwe ye. Gomme Sathane o ba tšeetše bokagodimo ga kampa ya go hlweka ga go tlwaelega. Ge go etla lefelong leo batho. . . ba kgonago go itshwara le go dira, gomme ba feta ka dilo tše ba di dirago lehono tshepedišong ya maitshwaro. Ke bokagodimo ga megopolo ya ka ya ka fao monna a ka kgonago go bea mosadi wa gagwe ntle kua, a apere ka mokgwa woo, gomme ka gona a phasola yo mongwe gore o mo rogile. Ke bokagodimo ga kgopolo ya go tlwaelega. O be a swanetše go tseba bokaonekaone go feta seo. Bokagodimo ga tlhweko ya go tlwaelega! Le kae lefelo la go ema?

50 Monna yo mongwe goba mosadi ka mengwageng ya ka, nka no le botšiša se. Go ka reng ge mme wa ka goba mme wa gago,

e ka bago mengwaga ye masometlhano ya go feta, a be a ka sepelela ntle ka seterateng ka ye nngwe ya para ye ya dišothi goba dipikini, eng kapa eng le e bitšago, a e apere? Molao o be o ka ba topa, ka pela, gomme wa ba bea ka lefelong la digafa. Mohumagadi o tlogetše ntlo ntle le go apara diaparo tša gagwe tša ka godimo, gomme o swanetše go ba ka lefelong, ka baka la gore mogopolong fao go na le selo se sengwe sa go fošagala. Gomme ge e be e le mogopolo go dira selo sa go swana le seo nako yeo, ka nnete ke leswao la gore selo se sengwe se ile go gafa. E sale go se felele ga mogopolo, go ya bokagodimo ga go fa mabaka; bohlaswa!

<sup>51</sup> Gomme ge monna a ka kgona go kgoga sekerete, gomme dingaka di netefaditše go yena gore dikete di hwa ngwaga wo mongwe le wo mongwe go tšwa go sehloa, gomme a sa kgona go maula disekerete, go bonala o ka re selo se sengwe se fošagetše ka monagano wa monna yoo.

Gomme ge monna a na le go tšhoga ga mogopolo, gomme ga . . . ga a kgone go itliša ka seyena mmogo, se a se dirago, o tla nyaka ofisi ya ngaka ye nngwe le ye nngwe ye e lego gona ka nageng, go hwetša gore phošo ke eng ka yena. Eupša ka gona o tla ema pareng goba ka koloing, gomme a nwa go fihla a gafa ka go felela; a šomiša tšhelete ya gagwe, go ikatela ka boyena ka go seo. Gomme ge a ka direga go ya ka gare ga yona ka ntle le go tagwa ke bjala, gona o tla diriša pene ye nngwe le ye nngwe a e hwetšago, ka ofising ya ngaka, a leka go hwetša gore phošo ke eng ka yena. Ga e dire tlišaologanyo.

<sup>52</sup> Ge fao go ka ba sepekwa sa mantswiana se fofa ka godimo ga toropokgolo, gomme ka hwetša sethunya sa ka, gomme ka ya ka ntle ka morago ga jarata ya ka gomme ka thunya sepekwa se, metsotsong ye lesome go tloga fao ke tla be ke le ka kgolegong. Ba tla ntshwara, “Bakeng sa—sa boitshwaro bja go tšwa taolong; go swara sebetša sa mollo ka toropongkolo; go bea maphelo a batho kotsing, ka sethunya, go thunyetša sepekwa godimo ka moyeng.” Nka no bolaya yo mongwe, ba tla re. “O swanetše go bewa kgole.”

Gomme ka gona ba tla rekišetša monna bjala go lekanela go mo dira a tagwe, gomme ba mo hlomela ka koloing ye e ka bolayago lapa lohle go tlala. Gomme ge a swerwe, o fiwa ditolaro tše tlhano le tefo. Polao ye e nagannweng pele! Molato ke eng ka lefase? Selo se sengwe se fošagetše felotsoko.

<sup>53</sup> Bjale, “go ya bokagodimo ga kampa,” bokagodimo ga go hlweka, bokagodimo ga lebaka.

Le ela hloko, boradipolotiki ba rena lehono ba ka se bolele ka go bala Beibele ka sekolong. Ba a boifa. Ga ba tsebe gore ke ka tseleng efe mo phefo e fokelago. Ga ba tsebe ge eba ba lahlegelwa ke boutu, goba aowa. Re nyaka Abraham Lincoln yo mongwe. Re nyaka John Quincy Adam yo mongwe. Re

nyaka yo mongwe yo a tlogo go ema, go sa kgathale gore ke tsela efe phefo e fokelago, gomme a fa diphenyego tša bona tša go botega.

<sup>54</sup> Lehono, moreri wa kereke ya leina, le ge o mo laetša ka Lentšung, Therešo, ga a tsebe gore a dire eng. O boifa gore o tla lahlegelwa ke thekethe ya dijo. Re nyaka banna le basadi lehono ba ba nago le Ebangedi ka maatla, yo mongwe yo a tlogo go ema le go bolela phenyego ya bona, ba šupa ntle se e lego therešo le se e lego phošo, ge eba Lentšu la Modimo le a rereša goba ge eba kereke ya leina e a rereša.

<sup>55</sup> Jesu o rile, “A lentšu la monna yo mongwe le yo mongwe e be maaka, gomme la Ka e be Therešo. Magodimo le lefase di tla feta go tloga, eupša Mantšu a Ka a ka se tsoge a feta go tloga.”

<sup>56</sup> Ka fao, le a bona, ba ya bokagodimo ga kampa ya Lentšu la Modimo, go hwetša karabo ya bona. Re...o be a...o ba phegeletše go tšwa kampeng ya Lentšu la Modimo, go swana le ka mo a dirilego Efa ka tšhemong ya Edene, Sathane o dirile selo se se swanago lehono. Ka moka gabotse. Re hwetša seo. Batho ba phegelelwa go dithutotayo le dithutotumelo tša bona ka ntle ga kampa, ka kampeng ya bona ya thutotayo le thutotumelo. Ba na le kampa, le bona, gomme yeo e ba bea ka kampeng ya gagwe. Ya gagwe ke kampa ya thuto, thutabomodimo, mediro, grata ya dingaka, ya go ruta, setho, se sengwe le se sengwe seo se lego kgahlanong le kampa ya Lentšu la Modimo. Modimo o na le kampa ya batho ba Gagwe. Kereke ya leina ba na le kampa ya bona beng.

<sup>57</sup> Mengwaga ye dikete tše tharo ya go feta, monna o be a kgona go kopana le Modimo gantši kae kapa kae. E be e le selo sa go tlwaelega go monna go kopana le Modimo. Eupša ka baka la eng ba sa kopane le Yena lehono? Fao go batho ba bantši, dikete atiša ka dikete le dimilione tša batho ba bantši go feta ka fao ba bego ba le dikete tše tharo tša mengwaga tša go feta, gomme go le bjalo Modimo ke selo se sengwe se se itšego sa kgale se go bego go bolelwa ka sona, histori ye e itšego ya kgale. Ga ba kopane le Modimo, ka sebele, go swana le ge ba dirile mengwaga ye mentši ya go feta, bjalo ka ge ke boletše, dikete tše tharo, dikete tše tharo tša mengwaga tša go feta. Ga ba dire. Ga se gwa tlwaelega go monna go kopana le Modimo. Ge monna a bolela ka yona, o tšewa go ba motho wa go hlanya, yo mongwe yo a lahlegetšwego ke monagano wa bona. Ga se gwa tlwaelega go bona!

<sup>58</sup> Ka tabeng ya Abraham le ka kampeng ya gagwe, ka baka la eng, e be gabotse e le tiragalo ya letšatši le lengwe le le lengwe gore Abraham o be a kopana le Modimo. O be a bolela le Yena. E sego seo feela, eupša ge ba ile tlase Gerare, go diilela; re a hwetša, tlase kua, gore Modimo o be a le ka kampeng le Abimeleke, Mofilisita. E be e le selo sa go tlwaelega kudu. Ba be ba phela ka kampeng ya Bogona bja Gagwe.

Lehono, ba phela ka kampeng ya bona beng, gomme ga ba na le selo go dira le kampa ya Modimo. Ga ba na le selo go dira le yona, ka baka la gore ke bohlanya go lefase. Ke bohlanya go bona. Eupša, elelwang, ge Modimo a lokišeditše batho kampa ya mathomo, O ile a ba hlamiša ka Lentšu la Gagwe. Ka mehla O a dira. Eupša, lehono, ka dikampeng tša bona, ga ba e dire. Leo ke lebaka le o sa kwego kudu ka Modimo. Bjale, ke a dumela gore—gore kampa . . .

<sup>59</sup> Bjalo ka Moshe, ka fao A kopanego le Moshe ka lešokeng. Moshe o be a na le kampa ntle kua fao a bego a fepa dinku tša mogwegadi wa gagwe, Jethero, ka bokamorago bja leganata. Gomme letšatši le lengwe, go modiši yo wa dinku wa go tšofala wa masomeseswai-a mengwaga ka bokgale, o ile a bona Seetša, Pilara ya Mollo ka sethokgweng, se tuka. Gomme a kopana le Modimo; monna yo a bego a tšhaba go tloga go Modimo.

Letšatši le le latelago. Dinako tše dingwe go kopana le Modimo go go dira gore o dire dilo ka go se tlwaelege. Moshe o be e le wa go se tlwaelege kudu, letšatši le le latelago. O be a na le mosadi wa gagwe a dutše ka go tlaralla go mmoula, ka lesea lethekeng la gagwe; le maledu a gagwe a matelele tlase, ka lepara la go kgopama ka seatleng sa gagwe, a eya tlase Egepeteta, go tšea setšhaba. Bjale, yeo e be e le ponagalo ya go nyefolega!

“O ya kae, Moshe?”

“Ke ya Egepeteta.”

“Go dira eng?”

<sup>60</sup> “Go e tšea!” O be a kopane le Modimo. Tlhaselo—ya monna o tee. Go be go banagala go sa tsebalege kudu. Eupša, selo sa ntshe e be e le gore, o se dirile, ka baka la gore o kopane le Modimo. Go no swana le motho yo motee a eya go tšea Russia; seo ke ka moka o se nyakago, motho yo motee ka thatong ya Modimo. Moshe o be a le ka thatong ya Modimo. Gomme le lepara la go kgopama a bego a na le lona ka seatleng sa gagwe, e sego tšhoša; lepara. Dilo tša go se tlwaelege, Modimo o a dira.

<sup>61</sup> Eupša, elelwang, Moshe o ile a swanelwa ke go ya ka ntle ga kampa ye a bego a phela ka go yona, go dira se, ka baka la gore o be a le tlase kua le sešole sohle gomme ga se a ke a kgona go se dira. Le ka moka mašole a Egepeteta, ga se a ke a kgona go se dira. Eupša letšatši le lengwe Modimo a mo laleletša ka kampeng ya Gagwe.

O rile, “Ke Wena mang?”

<sup>62</sup> A re, “KE NNA YO KE LEGO YENA.” E sego, “Ke be ke le, goba ke tla ba.” Lebaka la bjale, “KE NNA! Ke nna Modimo wa Abraham, Isaka, le Jakobo. Ke kwele dillo tša batho, gomme Ke gopola tshephišo ya Ka, gomme ye ke nako ya ye gore e phethagatšwe. Ke go roma tlase, Moshe, ka lepara le leo le go ka seatleng sa gago.”

<sup>63</sup> E be e le eng? Yena, bjale, batho ba be ba gopola gore o be a gafa. Eupša o dirile eng? O tšwetše ka ntle ga kampa ya gagwe mong. Farao o mo rutileng mengwaga ye masomenne ka kampeng ya sekolo, gomme o feitše. Gomme go tšere Modimo mengwaga ye mengwe ye masomenne go e ntšhetša ka ntle ga gagwe. Ka moka thuto ya gagwe le ka moka thutabomodimo ya gagwe ye a e rutilwego, go tšere mengwaga ye masomenne go e ntšhetša ka ntle ga gagwe. Gomme ka gona Modimo o mo šomišitše mengwaga ye masomenne.

<sup>64</sup> Modimo o na le nako ya go befa kudu go lokiša monna wa Gagwe. Eupša, le a bona, O be a ka se kgone go hwetša Mosh-. . . go swara Moshe, go fihla Moshe a tšwetše ka ntle ga kampa ya gagwe mong ya madirwa-ke monna, go tšwa go tsela ya sešole ya go e dira, le tsela ya tlhago ya go e dira, go ya ka go tsela ya ka godimo ga tlhago ya go e dira. Ka gona, ge a fihlile ka kampeng yeo, Modimo o kgonne go mo šomiša.

<sup>65</sup> Bjale, re hwetša gore ka lešokeng le. . . Re ela hloko gore ge ba tšere le go tšea maemo a bona, gomme ba tšwa ka Egepeta, go ya ka kampeng ya Modimo; ba tšwela ka ntle ga kampa ya baprista gomme ka moka ga bona ba re, "Ithekišetšeng go ba makgoba, nako ka moka." Ge Moshe moporofeta a tlile gomme a hlatsela gore Lentšu la Modimo le be le le seatleng, gore Modimo Yo a dirilego tshephišo o be a le fao go lokolla batho; ba tlogile go tšwa go kampa ye ba bego ba le ka go yona, go ya ka kampeng ya Lentšu la Modimo le le tshephišitšwego la nako. Ba dumetše moporofeta yoo, ka baka la gore leswao la go hlatsela le be le netefatša gore e be e le tlwa Lentšu la Modimo. Gomme dilo tše a di dirilego di be di netefatša gore e be e le therešo, gomme Pilara ya Mollo e mo latetše mmogo, go netefatša gore e be e le Lentšu la Modimo.

<sup>66</sup> Bjale, ka kampeng ye, mehlolo, maswao, le dimaka di ka kampeng ye.

Ba ba ntšheditše ntle go ya ka lešokeng. Ba tlogetše kampa ya bona ya tlhago. Ba tlogetše kampa ya leraga. Ba tlogetše kampa ya go dirwa ka lehlaka le setena, go dula ka ditenteng ntle ka lešokeng, fao go bego go se lerero goba go se selo gape. Dinako tše dingwe Modimo o re kgopela go dira dilo tša bošilo, go menagano ya rena beng. Gomme ge o kile wa tlogela kampa ya go fa lebaka ga gago mong, leo ke lefelo le o tla hwetšago Modimo.

<sup>67</sup> Elang hloko, ge ba ile ntle ka lešokeng, fao go be go le mehlolo, maswao, ge ba šuthetše ka kampeng ye. Bjale elerwang, ba tlogetše kampa ya Egepeta gomme ba šuthela ntle ka lešokeng le kampa ya Modimo. Le tseba bjang gore e be e le? Modimo o rile, "Batho ba gago ba tla diilela lebaka la mengwaga ye makgolonne, eupša Ke tla ba ntšhetša ntle ka seatla se se maatla, gomme Ke tla ba fa naga ye mo." Gomme

ba be ba le tseleng ya bona, ka Seetša se se hlatsetšwego, moporofeta yo a hlatsetšwego, ka maswao, dimaka, gore Modimo o be a le ka kampeng, gomme ba be ba le tseleng ya bona. Ba be ba na le Pilara ya Mollo. Ba be ba na le moporofeta. Ba be ba na le manna. Ba be ba na le meetse a a phelago. Amene! Ba be ba fetotše, ba fetotše mafelo a kampa. Ba be ba swanetše go e dira. Ga se ba ke ba kgona go bona dilo tšeo ka Egepete. Ba ile ba swanelwa ke go fetola mafelo a go kampa, gore ba bone sa ka godimo ga tlhago.

<sup>68</sup> Ka fao batho ba letšatši le ba swanetše go fetola kampa go tšwa go tšona dikereke tša maina tše di rego, “Matšatši a mehlolo a fetile. Fao ga go selo se se bjalo ka kolobetšo ya Moya wo Mokgethwa. Gomme ka moka Mangwalo a a fošagetše; gomme a šomela lebaka le lengwe.” Le swanelwa ke go fetola mafelo a lena a kampa, eyang bokagodimo ga kampa yeo, moo dilo ka moka di a kgonega.

<sup>69</sup> Ka moka ga tšona di be di hlatsela Bogona bja Gagwe ka kampeng. Bjale elang hloko gona, bona, ba be ba dirile kampa ya madirwa-ke monna ya ditšo le thutotumelo, ka morago ga ge Moshe a hwile. Gomme Modimo o šomane le batho mengwaga ye mentši. Modimo ga a ka kampeng ya Gagwe, gape, ka kampeng ya bona, ka baka la gore ba iteretše kampa, kampa-ya maitirelo.

<sup>70</sup> Elelwang, ge ba biditye go tšwa Egepete, Modimo o ba file moporofeta, o ba file kwana ya sehlabelo, o ba file ka moka tše ba bego ba di nyaka; lentšu, leswao, mohlolo, moporofeta go ba eta pele, seloba go ba hlokomela, Pilara ya Mollo go ba eta pele. Gomme ge ba tšwetše ka ntle go ya ka lešokeng, go le bjalo ba be ba se ba kgotsofala. Ba be ba nyaka selo se sengwe se ba bego ba ka kgona go se dira, ka bobona. Mogau o file seo; bjale ba nyaka se sengwe go se dira, ka bobona, gore ba kgone go ba direla mokgatlo, gomme ba kgakgane le go lwa le go kgorometšana, ke mang a bego a eya go ba moprista yo mogolo, gomme ke mang a tla bago se, *sela*, goba se *sengwe*. Letšatši le lengwe, Modimo o rile, “Moshe, ikaroganye ka bowena go tšwa go bona,” gomme A no ba metša ka polelo ya go ikhola ya Kora.

<sup>71</sup> Bjale elang hloko, ka moka maswao a le dimaka di be di hlatsela Bogona bja Gagwe.

Ka gona o dirile... monna o itiretše kampa ka boyena, kampa ya thutotumelo le setšo, e sego kampa ya Modimo ya Lentšu la Gagwe. Kampa ya bona beng! O ile a swanelwa ke go ba tlogela, ka gore Yena ke Lentšu. A ka se kgone go dula mo batho ba rutilwego ka ntle ga Lentšu le. Modimo a ka se kgone go dula ka kampeng. A ka se kgone. Yena ga se a ke a dira. O swanetše go dula tlwa moo Lentšu la Gagwe le lego.

<sup>72</sup> Ge A ile a swanelwa ke go tlogela kampa yeo, ka gona, go ka moka sehlopha sohle sa batho se A se tlišitšego



godimo go tšwa ka Egepeta, O be a dula feela magareng ga baporofeta ba Gagwe, go bona Lentšu la Gagwe le tlilego. Lentšu le tlile go moporofeta, go hlatsela iri. O be a dula magareng ga baporofeta, gomme a utolla go baporofeta. Ka fao ba rogakilego, batho, le go rogaka selo. Gomme Modimo o ba rutila melao ya Gagwe le tsela ya bophelo. Gomme batho ka mehla ba be ba le kgahlanong le yona, gomme ba tlaiša moporofeta, gomme mafelelong ba mo kगतla ka maswika, goba go mo saga diripa, gomme ba mo fediša.

<sup>73</sup> Jesu o rile, “Ke ofe yo motee wa baporofeta yo botataweno ba sego ba mmolaya? Ke ofe yo motee wa bona, wa ba ba lokilego a bego a rometšwe go bona?” Gomme a re, “Mediro ya tataweno le tla e dira.” O be a sa boleele go makomonisi. O be a bolela go baprista, batho ba kereke ya leina, Bafarasei le Basadutsei. Ke a nagana lentšu la Gagwe le ka se fetoge kudu bošegong bjo, le ka ba feela go befabefi gannyane, mohlomongwe, go bona.

<sup>74</sup> Bjale, re hwetša gore O be a dula nako yeo magareng ga baporofeta ba Gagwe. Ka gona A ba mosetsebjje go bona, ka gore O dula feela ka go Lentšu la Gagwe, go Le tiišetša. Beibele e boletše gore O hlokomela godimo ga Lentšu la Gagwe, go Le tiišetša. O leka go hwetša yo mongwe.

Ge A ka kgona feela go hwetša monna wa pelo-ya seripa, bjalo ka Simisone. Simisone o be a gafetše maatla a gagwe go Modimo, eupša a file pelo ya gagwe go Delila. Yeo ke tsela ye dinako tše ntši re dirago, lehono, go no fa selo se sengwe go Modimo, eupša e sego ka moka. Eupša, Modimo o nyaka ka moka ga rena.

<sup>75</sup> Go swana le pholisi ya inšorentshe, ge o hwetša pholisi ya inšorentshe, o ka no hwetša gape le tšhireletšo ya go tlala. Gomme seo ke se netefatšo ye e šegofetšego e se dirago go rena. Ke pholisi ya tšhireletšo-go tlala. E šireletša ka moka tše re di nyakago ka bophelong bjo, le tsogo ya rena, le Bophelo bjo Bosafelego. E akaretša selo se sengwe le se sengwe.

<sup>76</sup> Elang hloko, Modimo o dutše ka ntle ga kampa ya bona nako yeo lebaka la mengwaga ye makgolonne. Ka baka la eng? O be a se sa na le baporofeta gape. Go tloga go moporofeta Maleaki, go ya go moporofeta Johane, mengwaga ye makgolonne, fao ga go go dikologa mo gotee ga lebili mo Israele e go dirilego. Modimo o be a le ka ntle ga kampa. Ba be ba Mmeile ka ntle, ka dithutotumelo tša bona le go rata go ikhola ga bona, le phapano ya bona go Lentšu. Mengwaga ye makgolonne ntle le Lentšu! Go tloga go moporofeta yo motee go ya go yo mongwe, O tšere leeto, go fihla moporofeta wa mafelelo e be e le Maleaki, gomme ka gona fao go be go se moporofeta yo mongwe gape lebaka la mengwaga ye makgolonne.

<sup>77</sup> Gomme ka gona Modimo o tlile lefelong la tiragalo gape. Letšatši le lengwe O sepetše magareng ga bona gape, eupša

ditšo tša bona di be di tšere lefelo la Gagwe kudu magareng ga bona, O be a le mosetsebje go bona. Ditšo tša botate, di be di na le go hlatswa dipane, le—le tsela ya go beakanya moriri wa bona, le go apara mohuta wo o itšego wa dikonope godimo ga jase ya bona, le tša ba ba itšego baprista—baprista diaparo; gomme—gomme yo motee ke Mofarasei wa go se šišinyege, gomme yo mongwe yo motee ke Mosadutsei. Gomme seo se tšere lefelo la Lentšu magareng ga banna bao, go fihla, ge Modimo a ba etela, O be a le montle.

<sup>78</sup> A nka bolela se ka lerato le ditlhompho, eupša go se gapela gae. Ke selo se se swanago lehono. Ga se sa fetoga le gannyane. Ge A etla magareng ga batho, ka maatla a Gagwe le ponagatšo, go netefatša gore Lentšu la Gagwe le a swana maabane, lehono, le ka gosafelego, ka baka la gore ke Yena Lentšu, batho ba re, “Mmolellamahlatse, Beletsebubu, mo Jesu feela, goba—goba selo se sengwe go swana le seo.” Ba bangwe ba go bea ka legorong felotsoko, eupša go swanetše go ba ka tsela yeo.

Le a bona, ga ra ba le moporofeta bjale gabotse lebaka la mengwaga ye dikete tše pedi. Bantle ga se ba ba le yo motee, le a tseba; a tshephišitšwego nakong ya bofelo. Bjale, re tseba seo, ka Lengwalo. Re tseba seo, gape, ka histori gore se se tshephišitšwe go rena.

<sup>79</sup> Bjale, ka morago ga mengwaga ye makgolonne, Modimo o sepetše thwi magareng ga bona letšatši le lengwe. Go ya ka Lengwalo, O be a swanetše go dirwa nama gomme a dule magareng ga bona. “Leina la Gagwe o tla bitšwa Moeletši, Kgoši ya Khutšo, Modimo yo Maatla, Tate wa ka Gosafelego.”

Gomme ge A tlile magareng ga batho, ba rile, “Re ka se be le Monna yo go buša godimo ga rena! Ke—ke efe karata ya kopanelo A e swerego? Ke efe kereke ya leina ye e Mo romilego?” O be a se na le tirišano. Kereke ye nngwe le ye nngwe A ilego go yona, ba Mo lahletše ka ntle. Ga se ba ba le selo go dira le Yena, ka baka la gore O be a se yo motee wa bona.

Gomme bjalo ka ge go bile nako yeo, ka fao go bjalo bjale! Beibele e boletše gore kereke ya Laodikia e tla Mmea ka ntle, gomme O be a kokota, a leka go tsena ka gare. Fao go na le selo sa go fošagala felotsoko.

<sup>80</sup> Bjale, ka baka la eng? Ba be ba dirile kampa ya bona beng. Ba, ge nkabe ba tsebile Lentšu, nkabe ba tsebile gore Yena O be a le mang. Jesu o rile, “Ge le. . . Phetlang Mangwalo, ka gore ka go Wona le nagana gore le na le Bophelo bjo Bosafelego. Ke wona a le botšago gore Ke nna Mang!” Seo ke se Lengwalo le se boletšego. Bjale, “A paka ka Nna. Gomme ge Ke sa dire mediro yeo e bego e tshephišitšwego Nna go e dira, ge Ke sa dire mediro yeo Tate wa Ka, Lentšu. . . ‘Mathomong go be go le Lentšu, gomme Lentšu le be le le go Modimo, gomme Lentšu e be e le Modimo. Gomme Lentšu la dirwa nama gomme la dula magareng

ga rena.' Bjale, ge Ke le Motho yoo, phetlang Mangwalo gomme le bone se Ke swanetšego go se dira. Gomme ge Ke sa swanele; ge mediro ya Ka, mediro ye Lentšu le e pakago, Tate a e pakago ka Nna, ge e sa hlatsela gore Ke nna Mang, gona Ke phošong." Yeo ke therešo. "Ge le sa kgone go dumela Nna, dumelang Lentšu," O rile, "mediro ye Lentšu le e tšweletšago."

<sup>81</sup> Le a bona, O be a le mosetsebje magareng ga bona. Ba be ba sa Mo tsebe. "Re ka se be le selo go dira le Moisa yo, e no ba Moisa wa go se tlwaelege yo a tswetšwego tlase ka setaleng felotsoko." Gomme ba dumela gore mme wa Gagwe o bile le Lesea le pele ga ge Le tswala, goba pele Go eba . . . o bile le Lesea le go tšwa go tswalo ya ntle ga molao, ke ra gore. Gomme ka gona, ba, gore pele Lesea le tswalwa, gore o ile a tloga gomme a nyala Josefa; gomme o dirile seo go no swara leswao le lesa go tloga go yena, semelo sa gagwe. "Gomme O ba Moisa wa mohuta wo o sego wa tlwaelega, ka baka la gore O be a le ngwana wa go tswalwa ka ntle ga molao, gomme leo ke lebaka le A bego a le."

Gomme ge A etla ntle, O dirile eng? O kgeila dithutotumelo tša bona, o petula ditafola tša bona, o ba itia go tloga lefelong, gomme a re, "Go ngwadilwe!" Amene! Seo se be se swanetše go bolela gore O be a le Mang. "Go ngwadilwe!"

<sup>82</sup> Go lokile, ba be ba se na le selo go dira le Moisa yo mobjalo ka yoo. Eupša tsela tlase botebong ka pelong tša bona, ba be ba tseba gore O be a le Mang, ka gore Nikodemo o boletše seo pepeneng. "Rabi, rena, Bafarasei, re a tseba gore o thitšhere ya go tšwa go Modimo, ka gore ga go motho yo a ka kgonago go dira dilo tše o di dirago ntle le Modimo a na le yena." Ka baka la eng ba be ba sa Mmolele nako yeo? Ke ka baka la gore kampa ya bona e be e beile mollwane wa yona. E be e ka se Mo dumelele ka kampeng. E be e sa dumelele motho yo mongwe go ya ntle go Yena. Ba be ba na le kampa ya bona beng. O tlile bošego, ge kgoro ka nnete e be e tswaletšwe. Eupša a hwetša gore o be a ka kgona, a kopana le Yena, go le bjalo.

<sup>83</sup> Eye, go swana le bjale! Ba na le . . . O ba mosetsebje, motšwantle. Ga ba E kwešiše. "Ka baka la eng se se eba, gomme ka baka la eng *sela* se eba?" Ge, Lentšu ka Bolona le paka gore se ke tlwa se se swanetšego go dirwa letšatšing le. Ka fao re ilego go se kgabola, gape le gape, eupša ke Therešo.

<sup>84</sup> O be a le, go bona ka kampeng ya bona, "Lehlanya, morobi wa ditšo tša bona, monyamiši wa dikereke tša bona, nnete feela mmolellamahlatse, ramemoya yo a bitšwago 'Beletsebubu.' Seo ke se A bego a le sona."

Gomme ke a dumela, ge A etla magareng ga rena lehono, O tla ba selo se se swanago, go rena. Ka gore, re na le setšo, re na le kereke ya leina, ga re kgone le go no ya pele yo motee le yo mongwe. Ka baka la eng? Fao go lefelo le nnoši fao motho a ka kgonago go ya mmogo, leo ke, ka fase ga Madi a

a tšholotšwego. Gomme Madi a tšholotšwe, bjalo ka peu ya bophelo, go mediša Peu ye, Lentšu. Ka ntle ga ao, dithibedi tša dikereke tša rena tša maina ka mehla di tla thibela batho.

<sup>85</sup> Eupša O tla ba mosetebje lehono. O tla bitšwa selo se se swanago. O tla direlwa, O tla bewa ka ntle ga kampa. Gomme a le be le tseba . . . Beibele ye e swanago ye e rilego O tla ganwa ke banna, “Monna wa tlhokofalo, wa go tsebana le bohloko,” gomme ba ganne, “gomme ra Mo sema moiteiwa wa go tlaišwa ke Modimo,” lona Lengwalo le le boletšego seo. Yena moporofeta yo a opetšego seo, “Modimo wa Ka, Modimo wa Ka, ka baka la eng O Ntlogetše? Marapo a Ka, ka moka a Ntebeletše. Ba hlabile diatla tša Ka le maoto a Ka.” Ge ba be ba opela kopelo yeo ka kerekeng; Sehlabelo sa bona, Modimo yo ba bego ba gopola gore ba be ba mo direla, ba be ba mmampola.

Ka fao go bjalo lehono, yena Modimo yoo!

<sup>86</sup> Lebelelang se moporofeta a se boletšego, Amose, ge a etla ka Samaria. Gomme mahlo a gagwe a mannyane a kotobela ge a etla godimo bakagodimo ga yeo gomme a bona toropokgolo yela ya go tlala sebe, basadi ba robotše ka seterateng, le banna, Amerika ya sebjalebja. Ge a lebelela godimo bokagodimo ga yona, mahlo a gagwe a kotobela. Gomme o be a se na le motho go mo thekga ka tšhelete. O be a se na le karata ya kopanelo. Modimo o be a mo romile. A batho ba be ba ka kwa Molaetša wa gagwe? Aowa, ba be ba ka se mo kwe. Eupša o ile a porofeta, gomme a re, “Yena Modimo yo le tleleimago go mo direla o tla le fediša.”

Gomme ke re, Leineng la Jesu Kriste: Yena Modimo yo setšhaba se se tleleimago go ba, setšhaba sa bodumedi, yena Modimo yo ba tleleimago go mo direla o tla ba fediša ka bokopong bja bona. O tla fediša kereke ye nngwe le ye nngwe ya leina go tloga sefahlegong sa lefase, yo ba tleleimago go mo direla.

<sup>87</sup> Ka fao, elang hloko, O ba sotše, gomme ba Mmeile ka ntle ga kampa ya bona. “Jesu o tlaišegile ka ntle ga kampa.” Ba Mmeile ka ntle ga kampa, bokantle, tsela bokagodimo ga kampa ya bona.

<sup>88</sup> Re hwetša gore Beibele e rile, ka letšatšing le la mafelelo ka fase ga Lebaka le la Laodikia, ba tla dira selo se se swanago. Ba tla bewa ka ntle ga kampa.

Bjale hlokomelang se A se bolelago go se dira bjale, ge ke tswalela.

“Go bewa ka ntle ga kampa,” moo dihlabelo di bego di fišwa. Fao ke mo A lego wa gona. O be a le Sehlabelo.

<sup>89</sup> Bjale, ngwanešu, kgaetšedi, a le a tseba gore yo mongwe le yo mongwe wa lena ka moka le swanetše go dira sehlabelo; o swanetše go ba sehlabelo sa Modimo; dira dilo tša lefase

sehlabelo; dira maipshino a gago mong a lefase le sehlabelo; go dira dilo tša lefase le sehlabelo? A le tseba lebaka le batho ba ka se se direng?

<sup>90</sup> Le a tseba, nku, nku ga e na le selo ge e se selo se setee e ka se neelago, gomme seo ke boya. Gomme, bjale, ga a kgopelwe go tšweletša goba go bopa boya bja ngwaga wo. O kgopelwa go tšwel- . . . go enywa boya.

Ga re kgopelwe go bopa selo se sengwe. Re kgopelwa go enywa kenywa ya Moya. Seo ke, bokagare bja nku, se e lego sona bokagare, se dira boya ka ntle. Gomme ge monna a na le Kriste bokagare, go mo dira go swana-le Kriste bokantle, e sego go bea-godimo ga maitirelo.

<sup>91</sup> Go lokile, re hwetša ge seo se direga, ge Kriste a bowa morago, O swarwa bjang? Feela tlwa go no swana le ka fao go bego go le mathomong. Ka mehla go bile.

<sup>92</sup> Ka fao, O ba sotše kudu, go fihla ba ba bea ka ntle ga kampa ya Gagwe, gomme ba Mo dira bjalo ka modiradibe. Mo, “O bile sebe bakeng sa rena.”

<sup>93</sup> Bjale, ka morago ga mengwaga ye makgolo, eye, gabotse mengwaga ye dikete tše pedi, O etetše kampa ya bona gape, go ya ka Lentšu la Gagwe le le tshephišitšwego gore O tla dira ka matšatšing a mafelelo. O etetše kampa gape. O etetše kampa, go bonagatša Lentšu le lehono.

Go no swana le ge A etetše morago ka letšatšing leo, gomme O dirile ka letšatšing la Moshe. Yoo e be e se Moshe a dira seo; Moshe e be e le monna. E be e le Kriste.

<sup>94</sup> Lebelelang Josefa, bophelo; o ratilwe ke tate, a hlwoiwa ke bana babo, ka baka la gore e be e le mmoni. Gomme ba mo hloile, ka ntle le lebaka. Leo e be e le lebaka le nnoši ba kgonnogo go mo hloela lona.

Seswantšho sa go phethagala sa lehono, tlwa. Kereke, gape, ba hloya dilo tša semoya.

Gomme re a hwetša gore o ile a rekišwa ka e ka ba diripana tše masometharo tša silibera, a swanetše go be a hwile. A tšeelwa godimo gomme a bewa ka ntlong ya kgolego; bjalo ka Jesu ge a be a le sefapanong. Monna yo motee a lahlela, gomme monna yo motee a phološwa; gomme a tšewa go tloga fao go ya seatleng-se setona sa Farao. Ke tlwa ka tsela ye Jesu a dirilwego.

<sup>95</sup> E be e le Dafida, gomme o ile godimo go kgabola diterata, a lla, kgoši ye e gannwego; gomme a dula godimo ga thaba, a llela godimo ga Jerusalema. E be e se Dafida. Morwa wa Dafida, mengwaga ye makgolo e se mekae ka morago ga fao, o dutše godimo ga thaba ye e swanago gomme a lla ka baka la gore O be a le Kgoši ye e gannwego magareng ga batho ba Gagwe Mong. Ke Kriste, ka mehla.

Gomme, lehono, ge go porofetilwe gore Kriste o swanetše go tla ka kampeng, le a tseba gore go diregile eng? Go tla ba tlwa go swana le ka mo go bilego nako yeo. Go swanetše go ba ka tsela yeo, go phethagatša se Lentšu mo le tshephišago gore O tla se dira.

<sup>96</sup> Bjale elelwang, Kriste o be a le ka lebakeng la Noage. Yoo e be e le Kriste, “Jesu Kriste wa go swana maabane, lehono, le ka gosafelego,” Lentšu le le gannwego la iri.

<sup>97</sup> Elang hloko, gomme seporofeto sa Gagwe sa Kutollo 3, go hwetšwa, ge A etla ka letšatšing le la mafelelo, bjalo ka ge A porofetile gore O tla tla ka letšatšing le la mafelelo. Gomme O hweditše bjang kereke ka Laodikia? “E humile, e sa hloke selo.” “Gomme e dutše bjalo ka mohumagadi gomme ga e kgone go bona bohloko.” “Gomme ba Mmeile ka bokantle ga kereke,” ga ba na le mošomo le Yena. O ile ka ntle ga kampa gape. Eupša ka gona o be a sa tsebe gore o be a ponoka, a fofetše, le go šokiša; gomme a sa e tsebe.

<sup>98</sup> Gape, ge A etla gape ka tsela ye e swanago bjalo ka ge A bile nako yeo, O tla sola mosadi yo mongwe yo le yo mongwe yo a aperego dišothi. O tla sola mosadi yo mongwe le yo mongwe wa moriri-wa go kotwa, sefahlego se sengwe le se sengwe sa go pentwa, monna yo mongwe le yo mongwe a ka bago yo monnyane go lekanela go dumela mosadi wa gagwe go dira seo. O be a tla no ema, O be a tla kgeiganya kereke ye nngwe le ye nngwe ye e bego e le fao, le go thuba thutotumelo ye nngwe le ye nngwe re bilego nayo. Le a dumela gore O be a tla e dira? [Phuthego e re, “Amen!”—Mor.] Ka nnete O be a tla dira. Yeo ke therešo.

<sup>99</sup> Ba be ba tla dira eng ka Yena? Go Mmea ka ntle ga kampa. Ka nnete ba be ba ka se dirišane le Yena. Aowa, mohlamphegi!

<sup>100</sup> Bjale re Mo hwetša gape, ka letšatšing le, bjalo ka ge Beibele e rile O tla, bewa ka ntle ga kampa. Ka gore Yena ka mehla o dula a swana, Lentšu, la go swana maabane, lehono, le ka gosafelego.

<sup>101</sup> Ga—ga ba Mo nyake. Ba Mo ganne gape, ka khantshela ya bona. Ba ka kgetha, lehono, go swana le ge ba dirile nakong yela ge A be a le tshekong. Gomme lehono, ge Lentšu le le tshekong, go diregile eng? Ba ganne gape go swana le ge ba dirile nako yela, gomme ba amogela Baraba, mmolai, go na le Kriste. Khantshela e tla dira selo se se swanago. Gomme, lehono, ka baka la gore ba ganne Lentšu le ponagatšo ya go phethagala ya iri, ba rekišitše gomme ba kgetha Baraba, Khantshela ya Dikereke tša Lefase, mmolai wa Lentšu. [Lefelo la go se be le seelo godimo ga theipi—Mor.]

<sup>102</sup> Ba gana Lentšu la Gagwe, gana kolobetšo ya Gagwe, gana Maatla a Gagwe, gana maswao a Gagwe. Gomme ka thutotumelo goba setšo gape, sa go apara dikholoro-go dikologa, le se sengwe le se sengwe, ba itirela ka bobona

dithutotumelo, le go ya pele, ba leka go, godimo ga mediro ye mebotse. Ba be ba se ba beelwa go ya Bophelong, sa mathomo. Ba be ba se na le selo go dumela ka sona.

“Yo a tsebago Nna, o tseba Tate wa Ka. Gomme bjalo ka ge Tate a Nthomile, ka fao Ke roma lena.” Modimo yo a romilego Jesu o ile ka go Jesu. Gomme Jesu yo a go romago o ya ka go wena. “Yo a dumelago ka go Nna, mediro ye Ke e dirago o tla e dira le yena. Eyang ka lefaseng ka moka, gomme le rere Ebangedi go sebopiwa se sengwe le se sengwe,” se seso, se sekheri, se sešweu, se seporawene, eng kapa eng e ka bago sona. “Maswao a a tla latela bona ba ba dumelago.” Bokgole bjo bokae? “Lefase ka moka, le go sebopiwa se sengwe le se sengwe.”

<sup>103</sup> Modiredi yo monnyane wa Baptist, e sego kgale go fetile ka Tucson, o tlile go nna, a re, “Ngwanešu Branham, šebo bothata bja gago. O leka go dira le lebaka la boapostola.” A re, “Fao ga go selo se sebjalo bjalo ka lebaka la boapostola lehono. Lebaka la boapostola le fetile.”

<sup>104</sup> Ka re, “Le fetile? Ke be ke sa e tsebe.”

Ka gona a re, “Go lokile, ke lona.”

Ka re, “O na le nnete?”

A re, “Nnete. Ke na le nnete,” a rialo.

“Ka moka gabotse,” ka re, “o nagana bjang gore le fetile?”

A re, “Leo e be e le la baapostola.”

<sup>105</sup> Ka re, “Petro o boletše, ka Letšatši la Pentecost. A o dumela Lentšu la gagwe?”

“Eye, mohlomphegi.”

<sup>106</sup> “O rile, ‘Sokologang yo mongwe le yo mongwe yo motee wa lena, gomme le kolobetšweng Leineng la Jesu Kriste. Ka gore tshephišo ye ke ya lena, le go bana ba lena, le go bana ba bana ba lena, le go bona ba ba lego kgole, le go ba bantši ba Morena Modimo wa rena a tlogo go ba bitša.’”

<sup>107</sup> Tshephišo ye e swanago ye, re swanetše go tla morago go yona! Ngaka Simone Petro o ngwadile taelotšhomišo. Beibele e rile, “A ga go kalafi ka Gileada? A ga go ngaka fao?”

Go lokile, le a tseba, ge o tšea taelotšhomišo ya ngaka. Ge a hwetša bolwetši bjo bo lego ka mmeleng wa gago, gomme o ngwala taelotšhomišo yeo; bokaonekaone ke gore o e tlatše, hwetša ramoriana wa nnete yo a tlogo go e tlatša feela ka tsela ye e ngwadilwego. Ka baka la gore, o swanetše go bea mpholo wo mokaalo, le sethibela mpholo se sekaalo, se sekao se tshepedišo ya gago e tlogo go se tšea. Le a bona, o... E šetše e lekilwe le go kgonthišwa, gomme o swanetše go tšea taelotšhomišo yeo. Ge o sa dire, o tla hwetša ngaka ya setswialegotlo go ya go dira bošilo le seo, ya go se tsebe



mokgwa wa go ela sehlare seo ka maleba, o tla go bolaya. Gomme ge a bea go fokola mo gontši ka gare, se ka se go dire botse bjo bo itšego.

<sup>108</sup> Gomme seo ke se e lego bothata ka bontši bja lena dingaka. Le dira bošilo le taelotšhomišo yeo!

Petro o rile, “Ke tla le fa taelotšhomišo ya ka gosafelego, ya lena, le go bana ba lena, le ba ba lego kgole, ba bantši ba Morena Modimo wa rena a tlogo go ba bitša.” E sego, “Tlang le tšoene.” Eupša, “Sokologang, yo mongwe le yo mongwe yo motee wa lena, gomme le kolobetšweng Leineng la Jesu Kriste tshwarelong ya dibe, gomme le tla amogela dipoelo,” amene, “Moya wo Mokgethwa. Ka gore tshephišo, taelotšhomišo ye, ke ya lena, le go bana ba lena.”

Bjale, ba bangwe ba lena dingaka tša ditswiamagotlo, tlogelang go ngwala ditaletšhomišo tšeo tša bofora. Le a bona? Le bolaya batho ba lena. Uh-huh. Ke ka baka leo selo sa Nnete ga se fihle go bona. Eye.

<sup>109</sup> Le a tseba, go taelotšhomišo ye e swanago ye, ka fao ngaka a hwetšago sehlare sa gagwe. Ka mehla ba a tšea gomme. . . Borasaentshe ba leka go eleletša selo se sengwe, gomme ba se fa go kolobe ya diteko, le go bona ge se mmolaya goba aowa.

Gomme ka gona, le a tseba, sehlare, se na le go leka mahlatse. O, o ka no fola, goba se ka no go bolaya, le a bona, ka baka la gore batho ka moka ga ba swane le dikolobe tša diteko, mohlomongwe.

Ka fao, go na le selo se setee ka taelotšhomišo ye, ke ya ka moka.

<sup>110</sup> Gomme, ka gona, ngaka ye nngwe le ye nngwe ye botse ya nnete ye e ka sekego. . . e na le tumelo ye ntši ka go sehlare sa gagwe mong, a ka se botšiše yo mongwe gape. Ba bangwe ba bona ke mapšhega go lekanela go tšea mogolegwa wa lebaka la bophelo, gomme ka gona a mo lokolla ge a phela ka godimo ga lona, a mo dira gore a tšee taelotšhomišo.

<sup>111</sup> Eupša, ka lefelong le, re bile le Ngaka ya nnete. O tlile, a tšea taelotšhomišo, ka Boyena. Le a bona? “KE NNA.” E sego, “Ke tla ba.” “Ke nna tsogo le Bophelo,” go boletše Modimo. “Yo a dumelago ka go Nna, le ge a hwile, go le bjalo o tla phela. Gomme yo a phelago gomme a dumela ka go Nna a ka se tsoge a hwile.” Mareta a re. . . Yena a re, “A o dumela se?”

<sup>112</sup> A re, “Ya, Morena, ke a dumela gore Wena o Kriste yo a bego a swanetše go tla lefaseng. Ga go tshwenye gore o mo go kae bohle ba bona ba Go bitšago, ke go bone!”

<sup>113</sup> Mo Khalibari, O tšere tlhabelo, ka Boyena. Gomme mosong wa Tsogo, lehu ga se la kgona go Mo swara. “Ke nna tsogo le Bophelo.” Ba hlabetše lehu ka go Yena, eupša A tsoga, ka phenyongodimo ga lehu, hele, le lebitla. O tšere tlhabelo, ka Boyena.

Gomme O rometše dingaka ka ntle go ngwala taelotšhomišo, bao ba bilego le kutollo ya gore Yena e be e le Mang.

“Batho ba re Nna Morwa wa motho ke mang?”

<sup>114</sup> Petro a re, “Wena o Kriste, Morwa wa Modimo yo a phelago.”

<sup>115</sup> A re, “O šegofaditšwe wena, Simone. O e hweditšwe bjale. Ke go neela dinotlelo go ya Mmušong. Se sengwe le se sengwe o se tlemago lefaseng, Ke tla se tlema Legodimong. Ge o se tlemolla lefaseng, Ke tla se tlemolla Legodimong.”

<sup>116</sup> Gomme ka Letšatši la Pentecost, ge ba bona ka moka se se e ya pele, o rile. . .Ba rile, “Re ka dira eng gore re hwetše moento wo?”

<sup>117</sup> Mo o bala taelotšhomišo. O rile, “Bjale ke ya go ngwala taelotšhomišo. Ke ya lena, le go bana ba lena, le go bona ba ba lego kgole, le ba bantši ba Morena Modimo wa rena a tlogo go ba bitša.”

Le se ke la dira bošilo le taelotšhomišo; le tla hwa! Ba e dira gore e fokole kudu, lehono, go fihla e se selo ge e se meetse a kereke ya leina, yeo ke therešo, seela sa go tlotša se ba se hlabelelago ka go motho wa go hwa go mo dira go hwahwi.

Oo, eupša, ngwanešu, fao go na le tlotšo ya mmapaale! Go na le kalafi ka Gileada. Ke ya go fodiša soulo. Le se ke la no dira bošilo le taelotšhomišo. Tšeang taelotšhomišo feela ka tsela ye e ngwadilwego, gomme Modimo o ikarabela go Lentšu la Gagwe; ga a ikarabele go thutotumelo, goba thutotayo, goba kereke ya leina. O ikarabela go Lentšu la Gagwe. Latelang taelotšhomišo, yeo e lego motheo wa mothomo. Thomang, ka gona le ngwadišitšwe le go lokela go ya modirong.

Elang hloko, “ntle ga kampa.”

<sup>118</sup> Ba kgethile Baraba lehono. Ge Ebangedi e fetile morago le pele, go dikologa lefase, maswao a magolo le dimaka di latetše tsošetšo, eupša, go na le go tla ka gare le go leka go e dira, ba tsoena thwi le Baraba. “Pele ga ge re ka ba le go hloka tlhaologanyo fa, le go ya pele, ka kerekeng tša rena, re tla ba ba maemo bjalo ka bohle ba bona.” Bjale ba bile le Roma le ka moka ga bona mmogo, Baraba. Elang hloko, ka gona re ka kampeng ye kgolo yeo.

<sup>119</sup> Re a laletšwa go ya bokagodimo ga kampa yeo. “Jesu gape, gore A hlwekiše batho ka Madi a Gagwe Mong, o tlaišegile ka ntle ga kgoro. A re yeng go Yena bokagodimo ga kgoro,” hlokomelang, “re rwale kgobogo ya Gagwe.”

<sup>120</sup> Na O gobošitšwe bakeng sa eng? E sego ka baka la gore O be a le Momethodist goba Mobaptist, ke tla le netefaletša seo; e sego ka baka la gore O be a le Mofarasei goba Mosadutsei. Ka baka la gore O be a le Lentšu le le hlatsetšwego.

121 “Go rwala kgobogo ya Gagwe,” bakeng sa (eng?) Lentšu le le hlatsetšwego. Yeo ke therešo. Seo e bile se A se dirilego. O rile, “Ge Ke sa dire mediro ya Tate wa Ka, le se ke la Ntumela; ge Nna ke se karabo go dipotšišo ka moka tša Mangwalo.”

122 Jesu wa Testamente ye Mpsha e be e le Jehofa wa ye Tala. Tlwa therešo! Ke a dumela, bjalo ka ge ke be ke le botša mo bjale, nako ye nngwe ya go feta, goba felotsoko ka kopanong. E ka no ba e se mo. “Jehofa wa Testamente ye Tala ke Jesu wa ye Mpsha.” Le elelwa se—se—se. . .

Ge ke be ke ile go tsoma sehlorana mosong wola, gomme fale se be se le gona, tšona dikutu tše tharo tše kgolo di kitimetše ka go e tee ntle kua, thwi godimo ga thaba; nna ke eme kua ke e lebeletše. Gomme ka batamela kgauswi gomme ka rola kefa ya ka, ka bea sethunya sa ka fase, ka ema godimo kua. Gomme Lentšu la šišinya dithokgwa, la re, “Jesu wa Testamente ye Mpsha ke Jehofa wa ye Tala. Dula o botega.” Ka fao thwi fase kua ke fao dihlorana tša go tšwelela, nako yeo, tša tla go ba gona ge fao go be go se selo kua. Le a bona? Seo ke Therešo. Le a bona? Ke therešo. Ka fao, Modimo o a tseba, Yo ke emego pele ga gagwe, ke Therešo ya yona. Seo ke therešo. Ke Therešo.

123 Thwi tlase ka Kentucky; gomme fao go na le batho ba ba dutšego thwi mo bošegong bjo, ba be ba le gona ge se direga gape, selo se se swanago. Eye. Re a tseba gore ke Therešo; Jesu wa Testamente ye Tala!

124 Go swana le batho ba Machina la mathomo ge ba etla godimo mo, ba be ba sa kgone go bala goba go ngwala leleme la rena, eupša e be e le banna ba bagolo ba bohlatšwetšo. Gomme ka fao ba be ba. . . O be o eya tlase go bohlatšwetšo bja Machina. O be a no hwetša tša go hlweka, tše nnyane tše tšhwewu dipampiri. O be a sa kgone go bala selo se setee, gomme o be a tseba gore o be o ka se kgone go e bala ge a e ngwadile. Ka fao, ge o etla, o be a no tšea seripa se sennyane se sa pampiri ye tšhwewu, selo se sengwe ka mokgwa *wo*, e re, thwi mo, gomme o be a e gagola ka tsela ye e itšego ka mokgwa *woo*. Bjale, o go fa seripa se setee sa pampiri, gomme o boloka seripa se sengwe sa pampiri. Gomme ka gona ge o etla morago go tšea diaparo tša gago, o be a re, “A ke bone seripa sa gago sa pampiri.” Gomme a di tšea; ge di swana, e be e le yona. O be o hwetša diaparo tša gago tša ditšhila morago di hlwekile.

125 Gomme Jesu o swanetše seporofeto se sengwe le se sengwe; tlhamo ye nngwe le ye nngwe ya Jehofa wa Testamente ye Tala ke Jesu wa ye Mpsha. O swanetše se sengwe le se sengwe.

A ke bolele se ka poifo ya bomodimo le tlhompho, eupša ka lerato, eupša ka tlhokofalo ya go tseba mo ke emego. Molaetša wa iri ye o swanetše se sengwe le se sengwe se

Beibele e boletšego ka sona sa iri ye. Bjale, ge o na le diaparo tša ditšhila, di bušetše ka gare. Uh-huh. A o hlwatswitšwe ka Mading a Kwana?

<sup>126</sup> Elang hloko, “go rwala kgobogo ya Gagwe,” ka baka la gore O be a le Lentšu le le hlatsetšwego. Bjalo ka nako yeo, ka fao go bjalo le bjale, O a swana maabane, le hono, le ka gosafelego. Baheberu 13:12 le 13. Re hwetša Baheberu . . . 8, 13:8, gape. “Go rwala dihlong tša Gagwe,” tša Ebangedi.

<sup>127</sup> Go rwala Leina la Gagwe! O rile, “Ke tlile Leineng la Tate wa Ka.” Leina la Tate ke mang? O tlile Leineng la Tate wa Gagwe. O rile, “Ke tlile Leineng la Tate wa Ka gomme ga le Nkamogele.” Go lokile? Leina la Tate ke eng? Ke a thanka le swanetše go ba le tseba. Le a bona?

Go rwala kgobogo ya Lentšu. Ka mehla Le be le rwalelwa ka ntle ga dikampa tša bona. Ba Le raketše ka ntle. O tla segwa, gomme wa dirwa motlae.

<sup>128</sup> Gomme, le hono, moo ke thomilego go kgabaganya setšhaba . . . Ga ke bolele ka nna; ka kgopelo le se ke la gopola gore se ke sa motho. Eupša, nako ya ka e ile, gomme ke na le e ka ba matlakala a lesome mo. Le ka kgona go bona a a šetšego mo, le a bona, le a bona, ka moka gabotse, a dinoutse. Eupša, theetšang. La mathomo go thomile ntle . . .

<sup>129</sup> A le etše hloko Jesu ge la mathomo A thoma? “Oo, Rabi yo moswa. Oo, O be a le Monna wa go makatša! Etna godimo tseleng ya rena. Etna o re rerele.”

<sup>130</sup> Eupša letšatši le lengwe A dula fase go bona, gomme A re, “Ntle le gore le je nama ya Morwa wa motho, gomme le nwe Madi a Gagwe, ga le na le Bophelo ka go lena.”

<sup>131</sup> Le nagana gore dingaka le dihlafele tša lešaba di ile tša nagana eng? “Monna yo ke senwamadi.” Le a bona? “O nyaka gore le nwe madi a motho. Seo ke se segolo go rena. Tlogang go Yena. Ba . . . baprista ba rile O be a gafa; ke a e dumela.” Gomme Beibele e rile ba sepela go tloga.

<sup>132</sup> Nako yeo O be a na le bareri ba masomešupa ba ba beilwego. Gomme A re, “Nka se kgone go ba le bona.”

Ka fao A lebelela go ba dikologa, A re, “Le tla reng ge le bona Morwa wa motho a rotogela godimo go ya Legodimong moo A tšwago?” Bjale, Yena ga se a ke a hlatholla dilo tše. O ile a no di tlogela di nnoši. Le a bona?

<sup>133</sup> Gomme ba re, “Morwa wa motho? Eng? Re ja le Monna. Re rea dihlapa le Yena. Re robala maribeng le Yena. Re bone thari ye A bego a kobakobetšwa ka go yona. Re tseba mme wa Gagwe. Re tseba ngwana wa Gabo. Ke mang a ka amogelago selo sa go swana le Se?”

Gomme Beibele e rile, “Ba se sa sepela le Yena gape.”

134 Nako yeo A retologela go Petro le bohle ba bona, a re, “Ke kgethile ba lesomepedi, lena ba lesomepedi.” Bjale, go tšwa go dikete, O fase go lesomepedi. O rile, “Ke kgethile lesomepedi. Ka gona, yo motee wa lena ke diabololo. Ke e tsebile, go tloga mathomong.” A re, “A bjale le nyaka go sepela le bona?”

O be a se a swanela go ba popotletša le go ba phaphatha, gomme, “Ke tla go dira letikone ge o ka tšoenla kereke ya ka.” Le a bona? A se na le dilepe tša go lootšwa. Ebile Yena ga se a ke a e hlatholla. Le barutiwa ga se ba ke ba kgona go e hlatholla.

Eupša, le a elelwa, O nno ba botša, “Ke le tsebile pele ga go thewa ga lefase. Ke le beile go amogela thabo le Nna.” Le a bona? Fao e be e le gona, “pele ga go thewa ga lefase,” go kgethelwapele.

135 Baapostola bao ba be ba eme fao ba nno makala. Ba be ba sa kgone go hlatholla mkgwa wo ba bego ba eya go ja nama ya Gagwe le go nwa Madi a Gagwe. Ba be ba sa kgone go kwešiša ka fao A kilego a tla fase, ge A be a le thwi fao le bona nako ka moka. O be a sa kgone go e hlaloša. Batho ba be ba sa kgone go e hlaloša. Ga go yo motee a kgonago go e hlaloša.

Eupša Petro o dirile mantšu ao a hlokomelegago. Ga go makatše ge A mo neile dinotlelo. O rile, “Morena, re tla ya go mang? Re fenyegile. Re a tseba gore Wena, gomme Wena o nnoši, o bohlatse bja Lentšu le le tshephišitšwego lehono. Re a tseba gore Wena o nnoši o na le Lentšu la Bophelo. Re ka se kgone go hlaloša dilo tše, eupša re a Le dumela, go le bjalo.”

136 Marena yo monnyane o rile, “Ngwanešu wa ka o hwile. O robetše ka lebitleng. O bodile; o a nkgwa. Morena, ge nkabe O be o le mo, ngwanešu wa ka nkabe a se a hwa. Eupša le bjale, eng kapa eng O e kgopelago Modimo, Modimo o tla e fa go Wena.” Oo, nna!

137 A re, “Ke nna tsogo le Bophelo. Yo a dumelago ka go Nna, le ge a hwile, go le bjalo o tla phela. Mang kapa mang a phelago gomme a dumela ka go Nna, a ka se ke a hwa. A o dumela se?”

138 A re, “Ya, Morena. Nka se kgone go e hlaloša, eupša ke a e dumela. Ke a dumela gore O Kriste yo a bego a swanetše go tla lefaseng. Ke a dumela, ka Lengwalo le le bonalago, gore O kgotsotfatša maswanedi a Leo.”

139 A re, “Le mmolokile kae?” O, nna! Selo se sengwe se swanetše go direga. Lebili le lengwe le le lengwe le tla thwi mmogo ka nako ya maleba. Le a bona?

140 A sepelela tlase go ya lebitleng. Beibele e rile, “Ga go botse bjo re ka Mo kganyoga ka bjona.” Go molaleng gannyane, Moisa wa magetla-a go kobega, a eme ka magetla a mannyane tlase, a lapile le go lapišwa ke go sepela.

A re, “Latsaro, etla pele!” Gomme monna yo a bego a hwile, lebaka la matšatši a mane, a ema ka maoto a gagwe.

<sup>141</sup> Mosadi wa Saentshe ya Bokriste. Ntshwarele ge ke gobatša maikutlo a gago; ga ke re go dira. Mosadi wa Saentshe ya Bokriste, thwi go tšwa mo kerekeng, o kopane le nna ntle kua letšatši le lengwe. Gomme a re, “Mna. Branham,” a re, “Ke rata thero ya gago, eupša fao go na le selo se setee se o dirago kudu godimo ga sona!”

Ka re, “Seo ke eng?”

A re, “O kgantšha kudu ka Jesu.”

<sup>142</sup> Ka re, “Ke a holofela seo ke ka moka A nago naso kgahlanong le nna.” Le a bona? Le a bona? Le a bona?

<sup>143</sup> A re, “O Mo dira yo Mokgethwa.” Le a bona, ga ba dumele gore O be a le yo Mokgethwa. Ba dumela gore O be a no ba monna wa mehleng, thitšhere ye botse, rafilosofi. A re, “O Mo dira yo Mokgethwa. Gomme O be a se yo Mokgethwa.”

<sup>144</sup> Ka re, “Oo, eye, O be a le yena.”

A re, “Ge nka go netefaletša, ka Beibele ya gago gore, Yena ga se yo Mokgethwa, a o tla e dumela?”

<sup>145</sup> Ka re, “Beibele ya ka e boletše bjalo, gomme—gomme ke dumela Lentšu. Seo ke se A lego Sona.”

Gomme a re, “Ka go Mokgethwa Johane, ya 11 tema, ge Jesu a ile tlase lebitleng la Latsaro, Beibele e rile O llile.”

Ka re, “Seo se na le eng go dira le yona?”

A re, “Go lokile, seo se be se laetša gore O be a se yo Mokgethwa.”

<sup>146</sup> Ka re, “O no feila go bona gore Monna e be e le Mang. O be a le mmogo Modimo le motho. Gomme bjalo ka monna, a lla, ge A be a lla bohloko bja bona. Eupša ge A eme gomme a re, ‘Latsaro, etla pele,’ gomme monna o be a hwile, matsatši a mane, a ema ka maoto a gagwe gape, seo e be e le go feta monna.” Eye, mohlomphegi! Eye, ka nnete!

<sup>147</sup> Gomme ka mehla ke dira tlhagišo, ge A etla tlase go tšwa thabeng bošegong bjola, a swerwe ke tlala, O be a le monna. O be a swerwe ke tlala mosong wo o latelago. O be a le monna. Eupša ge A tšere dipisikiti tše pedi le dihlapo tše tlhano, gomme a fepa dikete tše tlhano, gwa tšewa diroto tše šupa, moo e be e le go feta monna. Eye, mohlomphegi. O be a le monna, sefapanong, ge A lla, “Modimo wa Ka, O Ntlogoletše eng?” Ge A be a lla, “Mpheng seno,” gomme ba Mo fa binika le sabohloko, O be a le monna, a lla. Eupša ka moso wa Tsogo, ge A kgaotše lehuto le lengwe le le lengwe la lehu, hele, le lebitla, gomme a tsoga, O be a le go feta monna.

<sup>148</sup> O be a le monna bošegong bjoo, a robetše lešagong la sekepe se sennyane sela moo A bego a le ka ntle le baruwiwa, gomme dikete tše lesome tša bodiabolo ba lewatle ba ena gore ba tla Mo nweletša. Uh-huh. Ntle kua ka sekepeng se sennyane

sa go tšofala, bjalo ka setswalelo sa lepotlelo ntle kua, ka mokgwa woo; O be a lapile kudu, ga se la ke le bile le Mo tsoša. O be a le monna ge A be a robetše. Eupša ge A bea leoto la Gagwe godimo ga morumo wa sekepe, ka gona a lebelela godimo gomme a re, “Khutšo, homola,” gomme diphefo le maphotho a Mo obamela, moo e be e le go feta monna. E be e le Modimo!

Ga go makatše ge moreti a rile:

Ge a phela, O nthatile; ge a ehwa, O  
mphološitše;  
Ge a bolokwa, O rwele dibe tša ka go ya kgole;  
Go tsogeng, O ntokafaditše mahala ka  
gosafelego;  
Letšatši le lengwe O a tla, O letšatši la letago!

<sup>149</sup> Eye, mohlomphegi! Eyang bokagodimo ga kampa. Ga ke tshwenyeye gore e tura bjang.

Sefapano sa go kgethwafatšwa ke tla se rwala  
Go fihla lehu le ntokolla;  
Ka gona ka ya Gae, go apara korone,  
Ka gore fao go korone ya ka.

<sup>150</sup> Ge ke tswalela, ke tla bolela se. Ke be ke bala setori nako ya go feta, ka moahlodi. E be e le monna wa go loka, monna yo mokaone, o be a ratwa. Gomme fao go be go le sehlopha sa batho ka toropongkgolo ba ba bego ba nagana gore ba be ba kgona go feta ka se sengwe le se sengwe, ka fao, ba be ba na le tše ntši, ka fao ba bula ntlo-ya tumo ye mpe, ba ba le kgwebo ya bjala, bjala, le se sengwe le se sengwe ka mokgwa woo. E be e le ka ntle ga molao. Gomme ba swarwa ke molao, monna wa molao, gomme ba tlišwa kgorong ya tsheko. Gomme ge batho ka moka ba toropokgolo, toropokgolo ye nnyane ba kgobokane ka gare, ba be ba tseba gore monna yo o be a dirile dilo tše ntši tikologong fao, monna yo a bego a sepediša lefelo le la tumo ye mpe. Gomme ba—ba, lekgotla la baahlodi, la hwetša monna molato, ka baka la gore o be a swerwe ka diatla tša go bulega. Gomme ka fao ka gona moahlodi a mo hwetša molato, gomme a mo ahlolela nako ya mengwaga ye mentši kudu, ntle le setlemo, ntle le go aphila goba eng kapa eng, a mo romela, ka baka la gore seo ke se molao o bego o se bala.

<sup>151</sup> Batho ka ntle ga kgoro tsheko ba mo sola, gomme ba re, “O a tseba ke eng? Motho yo mongwe le yo mongwe ka mo toropong o tla go hloya!” Ba re, “Ba go hloetše go dira sephetho sela go monna yola.” Ka moka e be e le makempolara, ka bobona. Gomme ba re, “Re—re tla go hloya ka moka. Re ka se tsoge ra go kgetha gape. Re ka se tsoge yo motea wa rena ra go boutela,” ba mo goelela ge a eya go theoga seterata.

<sup>152</sup> A ema motsotso feela, a re, “A ke be le lentšu.” A re, “Ke dirile tlwa se e bego e le mošomo wa ka. Monna o be a na le



molato, go se tshwenye gore o be a le mang. Gomme ke ile ka swanela go mo ahlola go ya ka molao wo ke ilego ka ena gore ke tla o boloka.”

A re, “O hloilwe ka mo toropong ye!”

153 A re, “Eupša ke ratwa gagolo ka gae, ke batho ba ka!”

154 Re ka nagana selo se se swanago, ge le ka lebalela tlhagišo. Ke emetše se ke phološeditšwego go se dira, go boloka Lentšu le la Modimo. Ke a tseba dikereke tša maina di ntlhoela dilo tše ke di bolelago, eupša ke ratwa gagolo Ntlong ya Gagwe, magareng ga batho ba Gagwe.

A re rapeleng.

155 Morena Jesu, re ka no hloiwa ke lefase, eupša ra ratwa ke Tate. Re thuše, morategi Modimo. Thuša batho ba, gore yo mongwe le yo mongwe yo motee wa bona, Morena, gore ditšhegofatšo tša Gago di tla khutša godimo ga bona. A re yeng bokagodimo ga kampa bjale. A re yeng bokagodimo ga go nagana ga rena beng. A re yeng ka go nagana ga Modimo. Gomme Beibele e boletše se, “A monagano wo o bego o le ka go Kriste o be ka go lena.” Ka fao a re naganeng megopolo ya Gagwe, e sego go nagana ga rena beng, ka baka la gore nako ye ntšintšintši re a foša. Ka fao, go ba le nnete, a monagano wa Gagwe o khutše ka go rena. Gomme managano wa Gagwe e be e le go dira thato ya Tate, gomme thato ya Tate ke Lentšu la Gagwe le le tshephišitšwego.

156 A re yeng bokagodimo ga kampa, bošegong bjo, Morena, le go hwetša Jesu. Re ka se tsoge ra Mo hwetša ka go tšoena kereke. Re ka se tsoge ra Mo hwetša ka go šišinya diatla le badiredi ba ba itšego, goba—goba go saena thutotumelo ye e itšego, goba selo se sengwe se re se tshephišago, go ya sekolong sa Lamorena matšatši a makaalo ngwageng, le go ya pele. Re tla Mo hwetša feela ka Lentšung, ka baka la gore Yena ke Lentšu.

157 Gomme bjalo ka ge re bona letšatši le le tshephišitšwe, gore O tla ba ka ntle ga kampa, a bewa ka ntle gape; bjale a re yeng bokagodimo ga kampa, re lokele go rwala kgobogo ya Gagwe; re hloilwe ke lefase le, eupša re ratwe ke yo Motee Yo a re laleleditšego go ya Kampeng. E fe, Morena.

158 Ge fao go na le bao mo ba ba sa Mo tsebego, gomme ba sego ba ke ba ya bokagodimo ga kampa ya boleloko bjo bo itšego bja kereke, go le bjalo o ipitša Mokriste. Eupša ge o re, “Dilo tše, ke a dumela, ke tša letšatši le lengwe,” seo se laetša gore e ka se kgone go ba Moya wo Mokgethwa.

Go ka kgona go tla bjang gore monna yo a tladitšwego ka Moya wo Mokgethwa a tsoge a kolobeditšwe a šomišitše leina la “Tate, Morwa, Moya wo Mokgethwa”? Ge, Paulo, moapostola yo mogolo, a rile, “Ge Morongwa go tšwa Legodimong...” O ka no ba o e dirile, nako e tee, o sa

tsebe phapano ye e itšego. Batho bao ba e dirile, ba sa tsebe phapano, ka go Ditiro 19. Eupša o rile, “Morongwa o rera eng kapa eng ye e fapanego, a a rogakwe.”

Le ka amogela bjang thutotumelo ye e itšego, ism ye e itšego, selo se sengwe sengwe, ge Beibele e rile, “Tshephišo ke ya lena,” selo se se swanago se, “kolobetšo ya nnete ya Moya wo Mokgethwa”?

<sup>159</sup> Moya wo Mokgethwa o ka kgona bjang, wo o ngwadilego Lentšu, o lego ka lena, go gana Lentšu? O ka kgona bjang go Le gana, ge wona Moya wo Mokgethwa ka Bowona o rile, “Ge motho mang kapa mang a ka oketša lentšu le tee go Le, goba a ntšha eng kapa eng go tšwa go Lona, Ke tla tšea karolo ya gagwe go tšwa Pukung ya Bophelo”? Moya wo Mokgethwa o ka kgona bjang gona go tšea eng kapa eng go tšwa Lentšung, goba go oketša eng kapa eng Lentšung?

<sup>160</sup> Mogwera wa ka, mmogo mo le ka lefaseng la go se bonagale mo theipi ye e tla yago, le le sa bonagalego go rena bjale, a se se ye botebong ka pelong ya gago go tšwa go Molaetša wa mosong wo ka go ruta, ka go bona moo re lego. Ge o se wa ke le bjale o tšea taelotšhomišo ye ke boletšego ka yona lebakana la go feta, a o ka se e amogele? Re mo go go direla se sengwe le se sengwe re ka se kgonago, go go thuša.

<sup>161</sup> Ke no ba hlatse. Ke no ba mokgethiši. Bjalo ka ge re na le yona ka Louisville bjale, le—le Democrat Convention ya Kentucky, ba... Ba aga sefala sa monna wa bona go tla go kgethwa. Le nna ke aga sefala sa Morena wa ka. A o ka se Mo amogele, bošegong bjo, bjalo ka wa gago mong?

<sup>162</sup> Ka dihlogo tša rena di kobilwe, le dipelo tša rena, gape, ka nakwaneng ye, a o ka no emiša diatla tša gago gomme o bolele go Modimo. E sego go nna; ke no ba monna. Emišetša diatla tša gago go Modimo, e re, “Modimo, e ba le mogau go nna. Ka therešo ke nyaka ka moka dilo tše tšeo ke kwelego ka tšona. Ke nyaka go ya bokagodimo ga kampa. Ga ke tshwenyeye gore mang kapa mang o reng.” Modimo a le šegofatše. Nna, go diatla, go diatla! “Ke nyaka go ya ka ntle ga kampa. Ga go kgathale gore go ntrela eng, ke tla tšea sefapano sa ka gomme ka se rwala letšatši le lengwe le le lengwe. Ke tla ya bokagodimo ga kampa. Ga go kgathale gore batho ba reng ka nna, ke nyaka go Mo latela ka ntle ga kampa. Ke loketše go ya.”

<sup>163</sup> Tate wa Legodimong, O bone diatla tšela. Mohlomongwe batho ba lekgolo, goba go feta, ka moagong, ba emišeditše diatla tša bona godimo. Morena, fao go na le Selo se sengwe kgauswi le bona bjale, Motho yo a itšego, Motho wa Kriste, wa go se bonagale go leihlo la tlhago, gomme o ba dirile gore ba tšee sephetho. Ka bophelong bja bona, ba a tseba ge ba lebelela ka seiponeng, ba a bona gore go na le selo se sengwe se a hlaela. Gomme ba nyaka maphelelo a bona go kgolokwa go

ya ka tshephišo ya Modimo, gomme ba emišitše diatla tša bona ka tlhokofalo ya go tiba. Ba thuše, Morena, go ya go mojako wo mogolo bošegong bjo, go ya go lešaka la dinku. A nke ba tle ka gare ka bobose le go kokobela. E fe. Ke ba Gago, Morena. Šomana le bona.

<sup>164</sup> Bjale, ba ka be ba se ba kgona go dira sephetho sela, ba ka be ba se ba kgona go emiša seatla sa bona, ntle le se sengwe sa ka godimo ga tlhago. Go laetša gore go na le bophelo kua felotsoko. Ka gore, go ya ka saentshe, maatlakgogedi a lefase a tla swarela diatla tša rena fase. Eupša fao go bile selo se sengwe se se rathilego mogopolo wa bona, se se dirilego gore ba šwahle molao wa maatlakgogedi a lefase le go bea diatla tša bona godimo go lebanya go Modiri yo a ba tlišitšego. “Eye, ke nyaka go ya tsela ka moka. Ke nyaka go ya bokagodimo ga kampa, bošegong bjo.”

<sup>165</sup> Morena, mogobe o loketše kgato ya pele ya ka morago ga tshokologo, ka gona le go kolobetšwa, le tshephišo ya go amogela Moya wo Mokgethwa. Ka mo matšatšing a a mafelelo, go biletša morago go Tumelo ya setlogo, taelotšhomišo ya setlogo! Re bona batho ba bantši kgole le Kriste, ba hwela ka tlase ga tše dingwe tše ditaletšhomišo tša madirwa-ke monna. Ba ka no ba ba lokile ka go kereke ya bona ya leina, eupša, Morena, ke-ke nyaka taelotšhomišo ya Gago.

Wena o Ngaka ya rena. Fao go na le Ngaka. Fao go na le kalafi ka Gileada. Fao go na le Ngaka mo, bošegong bjo, go fodiša soulo ye nngwe le ye nngwe ye e babjago-ke sebe, go fodiša siphedi se sengwe le se sengwe sa mmele. Ngaka ye kgolo ya dinako ka moka, Mohlodi yo mogolo wa magodimo le lefase, etla bjale, a O ka dira, magareng ga rena, gomme o bolele go rena. Leineng la Jesu Kriste.

<sup>166</sup> Ge yo mongwe le yo mongwe yo motee a rapela ka pelong tša bona, “Morena Jesu, nthuše bjale!” Gomme ge o se wa ke wa kolobetšwa, gomme o kgodišegile. . . Ga se ka rera ka kolobetšo. Eupša o fenyegile gore o swanetše go kolobetšwa ka kolobetšo ya Sekriste, tsela e nnoši yeo Mokriste ofe kapa ofe. . .

<sup>167</sup> Go ka reng ge o ka tla godimo Kua, o kolobeditšwe ka tsela ye nngwe, gomme Jesu yo a swanago Yo a rilego, “Yo a ka tšeago Lentšu le letee, goba a oketša lentšu le letee, yo a swanago go tla tšeelwa ntle karolo ya gagwe ya Puku ya Bophelo?” Jesu o boletše seo. Gomme O rile, “Ka moka Mangwalo a hebeditšwe gomme a swanetše go phethagatšwa.” Bjale le tseba go fapana. Le tla dira eng ka yona?

<sup>168</sup> Ge feela o bile le maikutlo goba selo se sengwe! Ke dumela maikutlong. Ge feela o nno bina ka Moya, wa bolela maleme! Ke dumela ka go seo, le nna. Eupša ge seo e le ka moka bokgolekgole, gomme moya wa gago ka go wena o go botša gore o se ke wa latela Lentšu mola o tseba gore Ke therešo, fao

go na le selo se sengwe se fošagetše ka moya woo. Ga se Moya wo Mokgethwa. E ka se be. Le a bona, O tla tseba Lentšu la Wona Mong. Le tseba seo. Le ka lokiša go tla bjale ge re rapela.

<sup>169</sup> Jesu wa Nasaretha, etla kgauswi bjale gomme o boelele go pelo ye nngwe le ye nngwe. Ke ba neela go Wena. Mohlomongwe ba tla. . . Ka moka diatla tše, ke mefaphahlogo ya Molaetša, Morena, go tšwa go Wena, le Bogona bjo bogolo bja Gago bja tlhompho ya go hebetšwa bjo bo nago le rena bjale. Monna yo mongwe le yo mongwe a nago le poifo go lekanela go Moya o kgona go bolela gore O mo, maikutlo a magolo a a bokgethwa. E fe, Morena, feela bjale, Leineng la Jesu Kriste.

Bjale ka dihlogo tša rena di kobilwe.

<sup>170</sup> Ge go na le banna mo ba ba nyakago go kolobetšwa Leineng la Jesu Kriste, ba nyaka go sokologa, ba nyaka go nyaka kolobetšo ya Moya, fale go na le kamora e bulegile go la ka la ngele; basadi, go la go ja. Fao go tla ba yo mongwe ka fale go go laela. Fale go na le dikaone tša kolobetšo di letile, se sengwe le se sengwe.

<sup>171</sup> Bjale, ge re sa swere dihlogo tša rena di kobilwe, re opela. “Ke kgona go kwa wa ka . . .” Re tla be re kopana le lena. 

*GO YA BOKAGODIMO GA KAMPA* NST64-0719E

(Going Beyond The Camp)

Molaetša wo ka Ngwanešu William Marrion Branham o abilwe ka Seisimane ka Lamorena manthapama, Julae 19, 1964, ka Tabarenekeleng ya Branham, ka Jeffersonville, Indiana, U.S.A., o tšerwe go tšwa go theipi ya makenete gomme o ngwalolotšwe ntle le go fokotšwa ka Seisimane. Ye ya North Sotho tlathollo e ngwalolotšwe gomme e phatlatatšwa ke Voice of God Recordings.

NORTH SOTHO

©2016 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)